

# دھمال



امان اللہ ارشد



اساں تاں مچ مچا پڑ وچ کھڑے ہیں  
کوئی پاوٹں دھمال آوے تاں آوے

# دھمال

(سرائیکی غزلاں)

امان اللہ ارشد

جھوک پبلشرز، دولت گیٹ ملتان

061-4511568-0308-7385765



## سبھے حق ہتھیکڑے ہن

دھمال	:	کتاب دانان
امان اللہ ارشد	:	شاعر
احسان اعوان	:	ترتیب
محمد عابد جاوید	:	کمپوزنگ
شاہد دھریکھ، زبیر دھریکھ	:	ٹائٹل
جھوک پرنٹرز، ملتان	:	چھاپہ خانہ
نومبر 2014ء	:	سن اشاعت
400/- روپے	:	مُل

**PDF By: Ehsan Awan**

**Cell No.: 0345-8711418 , 0302-7642151**

## انتساب

انہاں سارے محبت کرن آلے

سچٹیں دے ناں

جہاں قدم قدم تے میڈا ساتھ ڈتے تے میکوں کڈا ہیں  
کلہیے دا احساس نی تھیون ڈتا۔

خبر نہیں کتنے لوک ساڈی حیاتی کیتے دعائیں منگدن  
اساں تاں سچٹیں داڈھیر سارا اُدھار مونڈھے تے چئی ودے ہیں

ارشاد

## تندیر

نمبر شمار	عنوان	صفحہ نمبر
1	سراپا بحر شاعر عزیز شاہد	10
2	ماہٹوں مٹھل عاشق بزدار	12
3	سچے جذبات دا کھرا شاعر اسلم خان گورمانی	13
4		14
5	ڈو جھا جنم امان اللہ ارشد	15
6	خواب دی میکوں سمجھنی آندی، اللہ، اللہ	17
7	لب تے لفظیں دا کال ہے مرشد	19
8	جسم توڑے جو تھی بگن جسے پالیں دے	21
9	نگاہیں توں نکھیرے نی کریندے	23
10	چپ چنگی نی کجھ کجھ رو لے ہون پے	25
11	اوساواں ہاسکیانی وس اجڑی تیں	27
12	وستی وستی ہو کاڈیوں ویسوں پے	29
13	کجھ روہ نکلتے کجھ تھل نکلتے	31
14	اچ کھپا ہے کل کھپا ہے	33
15	تیڈے آواں کوں دیرھی گئی ہے	35
16	سو جھلیں دا ہے رہنا کال حویلیں وچ	37
17	اپنے نازک مزاج زخمیں کوں	39
18	زندگی کوں جو سکھ دی سنگت ڈے گیا	41
19	بن تیڈے اے سینے زوریاں کوں کرے	43

45	مونجھ ودھ ودھ ودھیک تھی گئی اے	20
47	توں سہہ سہیں نہ ساڑے دور تھی ونج	21
49	ساڈ الفظ لفظ دردو، ساڈی گال گال زخمی	22
51	اکھیں ساوٹ تھیون بے شک، سوچاں تھل نہ تھیون	23
53	راہ منزل دی گمنا تھیدی پئی اے، شام تھیدی پئی اے	24
55	پول نہ ڈھول ایویں مجبوریاں ہوندین پیاں	25
57	در دستوانہ یار کندھیں کوں	26
59	ولھیٹ اپنے گناہیں ساریں دابہ مونڈھے تے جئی دے ہیں	27
61	ساڈے خاب اساڈے وانگوں رُل گئے رول تھلاں وچ	28
63	ایہو یاد اے تہڈے درتے اسان بک وارا آئے ہاے	29
65	ہے نمائش ڈھوناک چہریں دی	30
67	اوندا اشالا بخت رب ڈوڑا کرے	31
69	دعائیں بے پناہیں وچ تھی برسات ساوٹ دی	32
71	تریہہ دی توہین نہ کر، تھل پیا ساوچ کے	33
73	ہے کیا تاگھ تے تس، طلب یاد آگئے	34
75	سانول نہ روز ایویں رُلغاں کھنڈا وٹیاں ہن	35
77	میڈے ڈکھ میں توں سُن جلد اتے اپنے غم سُن جلد ا	36
79	ایں طراحویں دے گھر ٹنگئے ہوئے ہن	37
81	در بدر تھے ہیں در نہیں لبھدے	38
83	ہُن تاں تھی گے زیان کیوں ڈکھے	39
85	منہ توں مونجھ کوں نال ہنجھوں دے دھوون ڈانی آیا	40
87	پہلے وسدا تھل ڈیکھوں ہا	41
89	تہڈا جھیرا گوارا تھی وی سبڈے	42
91	زہروی پیندے رہ گئے پیسے	43



93	یقین رکھٹا ہا بھانویں گمان رکھٹا ہا	44
95	ہوں لمبا سفر ہے جان میڈی	45
97	تیکوں وقت و سردارہ ویندے	46
99	ڈیکھ اُجڑے ہوئے میڈے حال سیانے تھی گن	47
101	تہڈیں یادیں دا ولا میلہ لگے	48
103	ہنجھ دے موتی ویندے واری پدھ چھوڑن	49
105	نویں چل کے اوچال آوے تاں آوے	50
107	کتھاں اچ کل محبت تھیدی پئی اے	51
109	ساڈے گھر وچ اندھارے ہن کیوں تھیسے	52
111	وس توں کائناں او دور تھیا ہو سے	53
113	اکھیاں کوں کیا خواب ڈکھائی گئیں رانجھن وے	54
115	وسے تاں پھل پو دھاروں ہن، بیٹا جاسید کوئی کوئی ہے	55
117	سُڈ اتوں گال کا سونہی	56
119	اوندے چکے جو پیرے ہن، گلی وچ	57
121	توں جو ہیں بھانویں اندھاریں تے ٹریے ویندے ہیں	58
123	دل دی دنیا مکیسے ول ویسے	59
125	کتنا سوہٹا ہے شہر کیوں ڈیکھاں	60
127	جڈاں کوئی بد دعا نکلسے	61
129	کیتھ بہشتیں دی سیر چندے ہیں	62
131	ولیکے راہ دے ڈیسن توٹے ولے ودے راہسوں	63
133	ول ہن ولا تگے تہڈے شہر دے	64
135	میڈے اندر ہے ڈر کیوں کریسے	65
137	سُڈھ کائی جو کچھے راہ تے بندائے دا پے	66
139	خواخواہ تاں مُٹھل نئے اُپدے	67

141	راہ تاں کوئی وی اسان کا سناہا	68
143	میڈی دھڑکن جو دھک دھک دا چایا شور اندر ہے	69
145	وہجٹن دی چھوڑ ضد جلدی نہ کر بارش دا موسم ہے	70
147	ہنٹ اکھیندیں جو کال فی رہ گئے	71
149	نہ خواب ہنچہ نہ سنگ سہیلی کھڑی رہی	72
151	میکوں تیں توں گلاناں کجھ کانتی	73
153	ہنچہ پلکیں توں پارٹ پئی اے	74
155	ڈھیر بھرے دن غم جھولی وچ	75
157	پھلکیں وچ دھپے ہوئے خار کون ڈیہدا ہا	76
159	زندگی وی اوکھی ہے	77

### ہانہ پیلی

ڈاکٹر سید فکیل احمد کاظمی۔ ملک یلین باجوہ۔ جام فکیل احمد سجاد آہٹ۔ صوفی نجیب اللہ نازش  
 سید حبیب شاہ قاسم پور۔ سید الطاف حسین شاہ۔ احسان احمد خان (ایکین محلہ انہار)  
 ملک علی حیدر اعوان۔ فدا حسین خان چانڈیہ۔ جام عارف برڈہ۔ رئیس محمد حسین (مدینہ منورہ)  
 نادر خان مزاری۔ ملک عطا اللہ اعوان۔ ملک الطاف باجوہ۔ پروفیسر رفیق صدیقی  
 ایوب بلوچ۔ محبوب تابش۔ جام ہاشم برڈہ۔ ملک شاہنواز باجوہ۔ جام ایم ڈی گانگا  
 پروفیسر منیر ملک۔ رازش لیاقت پوری۔ حاجی عید احمد دھریجہ۔ ایاز محمود دھریجہ۔ رشید تبسم  
 سیف اللہ خان کورائی (ایکڑ پنجاب پولیس)۔ عبداللہ عامر دریشک۔ جام عبدالقدوس آہٹ  
 ڈاکٹر ظہور احمد اعوان۔ ملک سعید احمد چتر۔ رستم بلوچ۔ امرت جوگی۔ ارشد خاں  
 ایاز احمد ایاز۔ خانزادہ سجاد بلوچ۔ ڈاکٹر ظہور احمد اعوان۔ اظہر عروج۔ شاہد سلیم کھاکھی  
 اخلاق احمد اخلاق۔ زبیر دھریجہ۔ عدنان ارشد۔ شفقت نور پوری۔ اعظم سیال۔ راشد اعوان  
 تنویر ارشد اعوان۔ سانول اعوان۔ عاصم اعوان۔ ہاشم اعوان۔ باقر غزلائی۔ احسن اعوان

## سراپا عجز شاعر

انسانی قلب کو اپنے اندر دی مستور نارسائی دے اور اک سانگے ضروری ہے جو فن  
دیں تمام درگا ہیں دے رستے یکجا کیے و نجن تے شاعری ایں سلوک دے سلسلے وچ انسانی  
زندگی داسب توں سوہٹا عمل ہے۔ شاعری حُسن ہے۔۔۔ تے حُسن ساڈی رُلی ہوئی کیفیت  
ہے۔ جیندی گول ساکوں جیون دی جاگ لہندی اے، شاعری سچ اے۔۔۔ تے سچ دا تجزیہ  
نہیں کیتا و نچ سگدا۔ اشیاء دے بارے فوری تجزیاتی رپورٹ ڈیون آلا چیتا تاں چمٹا اے۔ تے  
چمٹے نال کولاتاں پکڑیا و نچ سگدے، شعلہ تاں ہتھیں نہیں آندا شعلے کوں تاں شعلے دی لپک ای  
محسوس کر سگدی اے۔

شاعری ہک اچھا آرٹ اے جیندے وچ شاعر دے اندر وسدی ہوئی فطری تخلیقی ترکیب  
شاعر کوں بحیثیت فرد، اپنے ماحول تے اپنے زمانے سمیت ابدیت دے پاسے لُٹ سکھیندی اے۔  
اپنے وسیب دی مٹی اپنے اندر کئی کمال دا تخلیقی جذب رکھدی اے اتے اے جذب ایں  
دھرتی تے وسدے ہوئے ہر بندے دے خمیر وچ رچیا ہویا اے۔ اے دھرتی ہر زمانے وچ تخلیق  
کاریں، فنکاریں، چتر کاریں، شاعریں، مجذوب، مست فقیریں نال وسدی پئی اے۔ موجودہ  
عہد وچ ایں دھرتی دا سنگھار، سراپا عجز فنکار، دلبر دلدار، امان اللہ ارشد ہک من موہٹاں شاعر اے۔  
جیندے خمیر، مزاج، الاپول، خیال دی گول پھول، لفظیں دی پرکھ پرچول وچ شاعری مہندی  
دے رنگیں وانگوں رچی ہوئی اے۔ موجودہ عہد دے شاعریں جتھاں ”ڈوہڑے“ کوں ہک بے  
مثال، خیال تے جمال دی دھال بخشی اے اوں کہکشاں وچ امان اللہ ارشد ڈوہڑے کوں سرتوں  
پیریں تیں ہک سنوری ستری کنوار داروپ ڈتے اتے ہک لفظ کوں پیار بھریا سنگھار عطا کیے۔  
اتے پار اُردو کوں اپنے منفرد لہجے دا اسیر کر گھدے۔ اوندے ڈوہڑے وچ کپڑا ہیں وی کوئی لفظ،



کوئی سطر، برتھی دی نہیں ہوندی او اپنے خیال دی وٹت کاری وچ ہمیشہ اپنی لاشعوری کیفیت دی موج مستی کول اپنے شعور دے شیشے وچ ہار سنگھار دے سارے سٹوٹ پورے کر کے اظہار کریندے۔

سرائیکی ادب دی کئی ہزار سالیں دی تہذیبی، ثقافتی پینگھ وچ ”غزل“ پچھلی صدی وچ شریک ان تھئی اے۔ اسان ڈھیر سارے غزل گو شاعر کہیں نہ کہیں حدتیں فارسی اردو لب و لہجہ داشکار ہیں۔ ہن کجھ عرصے کولوں ڈھیر سارے نوجوان شاعر ایس دھرتی دے اصل ردھم وچ اتے کجھ کجھ کافی دی کیفیت وچ غزل کول سرائیکی نمائنا نال پیش کریندے جن تے امان اللہ ارشد دی غزل ایس وسدے میل وچ اپنی جھمر رسائی کھڑی اے۔ امان اللہ ارشد دی ہر غزل دے ہر شعر وچ سرائیکی تہذیبی روایت جدید رنگ وچ رچی ہوئی اے۔ امان اللہ ارشد دی شاعری وچ سرائیکی وسیب ساہ گھند اپے۔ اوندی شاعری وچ روہی دی تس، ہیٹ دی اُجو دی وسدی وسوں، تھلاں دے پندھ، دمان دیاں دلداریاں، کچھی دے وسن اوندے اندر وسدی سک دی سبت نال جاگدیاں جن۔ تے امان اللہ ارشد اپنی جاگ، اپنی جوگ وچ جوگیں وانگوں ونڈینداتے ور تینداتے اپنے مکھڑے وسدی مٹھڑی مسک نال ایس دھرتی دے میل سہیداؤ دے۔

یار ارشد!

تہڈی شاعری تیں البندیں ہوئیں میں ولا ولا لفظیں دی نارسائی وچ رُل وینداں،  
تہڈی بارگاہ وچ فقیر دے پیار دے پھل ہن قبول ہووون۔

عزیز شاہد

دیرہ غازی خان



## ماہٹوں مٹھل

سندھو سیں دی پرلی من دا واسی۔ سرائیکی دھرتی دے ڈکھ سکھ داسنہیر دے، سنگت سانجھ، پیت پریت دے دھرم دا بھجاری۔ سو جھل سوچیں نال ستر یا سنو ریا، سنگر یا پنگر یا، مٹھرا ماہٹوں، من موہن مستانہ۔ اوندے کیرھے ڈکھ ڈول دی گالھ چولوں۔ سیس سریر دے ملے اچ اوں دامنہ متھا محبت دا آستانہ اتے اوں دے وچ سدا آباد محبتیں دایخانہ۔ جیندے میخواریں اچ شامل فقیر سمیت ہک زمانہ اے۔ جیندیاں اکھیں جیوٹ دے سوم رس بھریے کٹورے۔ جیرھا لیندے تاں خیالیں دی تیج تے لفظیں دے مٹھل زیندے۔ جیندے آلا دی بینسری سٹن وٹ کوں پچس رس داسو بھ ڈیندی اے۔ ڈوہڑہ اوں دے اندر سے حسن، حالات دے جبر، ناہوند، نارسائی تے نا پھرائی دے کرودھ دی منہ زور نیکیں وچ پڑ دا ٹردا درد وند لوکیں دی پڑہ اچ پار اوار دے ڈکھیں دی کتھا کریندے۔ جیندے وچ چال، کرہ نہہ، پیلھوں ڈیلھے اتے لکھیں سنہل دی شکلو دی مٹھاس لہندی اے۔ کترن دی باس ہیل ڈیندی اے۔ اوں دی غزل اچ ارداس اے جیرھی اپنی وسوں واس لوکیں دے ڈکھ ڈنچ تے محرومیں دی ڈس ڈیندی اے۔ نہریں ہاب تھی گریہ دی ماری روہی دی تس اوں دا اچار تے وسیا کہیں انسانی ویڑھے دے اچوٹ تے وسن دی ڈس ڈیندے۔ اوں دی نظم اچ انسانی ذات دا داکئی ڈکھ موجود اے۔ جیرھی ہاکڑہ، ستلج، چنانہہ تے سندھ دے کنٹھے توں گھن روہی تھل، دمان دی اچوٹی وسوں تے لہندی عذاب رت اچ وہندی اکھ اے جیرھی سکدی نہیں۔

عاشق بزدار

مہرے والا

## سچے جذبات دا کھرا شاعر

شاعری، شاعر دے اندر دے احساس دی ترجمان ہوندی اے۔ جیویں شاعر دا من کھراتے سچا ہوئے اونویں شعریں وچ سچ دی خوشبو زیادہ ہوئے۔ ایویں امان اللہ ارشد سچے جذبات دا کھک حساس شاعر ہے۔

ہیں واسطے میکوں ایندی شاعری وچ خیالات خالی لفظیں دی لوکار ویرھ کے نمائش کریندے نی نظر آندے بلکہ مٹھے مٹھے چھوٹے چھوٹے زندگی دے سچ نال سنگریئے ہوئے ملدن۔ امان اللہ ارشد دی شاعری شروع توں گھن تے اخیر تیں اچھی دھرتی تے دھرتی وائیں نال گنڈھی ہوئی نظر دی اے۔ جیکر اے محبت دی گالھ کریندے تاں اپنئے وسیب دی زبان اچ کریندے۔ ایندے سارے حوالے مقامی ہن۔ ایند اکوئی حوالہ اوپر اکائی۔ دھمال ایندیں غزلیں دا مجموعہ ہے، غزل فارسی کنوں اردو دے رستے نال سرائیکی وچ آئی اے۔ شروع وچ سرائیکی غزل دا سینگار انھاں زبانوں دے ترکیبیں نال کیتا ویندا ہا۔ پراچ دے سرائیکی شعراء اینکوں شمع پروانے دی بجائے چنری، مہندی، تھل، دمان، روہی، ریت دے رنگیں نال سنگار لے تے سجاوٹ پئے گن۔ ایندی وجہ توں ساکوں سرائیکی غزل آچھی آچھی نظر آمدی ہے تے کتھاؤں اوپری نی لکدی۔ امان اللہ ارشد دا شمار وی انہاں شعراء وچ تھیندے۔ ایندی غزل وچ اچھی مٹی دے سارے رنگ موجود ہن۔ نہ صرف موجود ہن بلکہ سوہنے سلیقے نال سنگریئے وی کھڑن۔ اچ سرائیکی ادب کوں غزل دی بہوں لوڑ ہے تے خاص طور تے ایہو جھیں غزل جیڑھی امان اللہ ارشد اکھدا پے۔ اے اچھی دھرتی نال محبت کریندے تے دھرتی واس ایندے نال پیار کریندن۔ سرائیکی غزل کوں جیکر دھمال جیہاں کتاباں ملدیاں رہ گیاں تاں آوٹ آ لے وقت اچ سرائیکی غزل دا پندھ ڈھیرا بگوانہاں تھی ویسے۔

اسلم خان گورمانی

سرپرست ایملکو ویلفیئر فاؤنڈیشن  
کوئٹہ گورمانی (دیرہ غازی خان)

## ڈو جھا جنم

میں اب گھر بیٹھا، سوچتا ہوں، جو کیا تھی؟ دل دے ڈالوں ایک تھی، گن، اہلن ترتیجا آخری ہوندے۔ میں غریب آدمی، اے امیریں والی بیماری کوں میں کیوں لہجہ پیاں۔ طارق خان جتوئی تے خاص طور تے نور تھیم سیں، جسیں میکوں آکھیا ہاتوں میڈے گھر دافر دایں، تیڈی ہر پریشانی وچ میں تیڈے نال ہوساں، کے تک میڈی بیماری داساتھ ڈیسن۔ ڈھیر سارا مایوس زندگی کنوں بے آس تھیا پٹھا ہم۔ کہیں ویلھے سردار ظفر خان چانڈیودی تسلی تھوڑا حوصلہ ڈیندی ہئی جو یازار شد! تیڈا علاج تھی سکدے۔ اساکوں حکم کریں اسماں حاضر ہیں۔ ظفر خان چانڈیو ہوں مجبتیں آلا جوان اے، جسیں کہیں موڑ تے میکوں کلہا نہ چھوڑیا مگر عادت دا ڈھلپ کہیں پاسے نہ وچن ڈیندا ہا۔ کھسے پہہ تے اکھیں کوں ہک منظر تے ٹکا تے پہہ وچن تے ول آپنے آپ نال گلھیں کرڻ دے سوا کوئی چارہ کاسناں ہا۔

اتنے تیں دروازہ کھڑ کیا۔ ہالیں آن ڈیسا ہروں مہمان ان۔ بہر گیم تاں او مہمان سیں پر و فیسر رفیق احمد صدیقی، ظفر اقبال جتوئی تے میاں سجاد احمد المعروف میاں جتوئی ہن۔ ملڻ دے بعد میاں جتوئی بغیر کہیں وقت ونچائے حکم ڈتا توں بس تیاری کر، اسماں پروگرام بٹاتے آئے پیسے، تیڈا ہائی پاس کرویندوں۔ میں بہانے بٹاؤں دی کوشش کیتی مگر اوں تختیں والے ہک نہ سٹی۔ میں پرسوں دیاں سیٹاں کرویندا پیاں پرسوں خانپور انتظار کریوں۔ صدیقی صاحب، جتوئی صاحب جلو اے ڈو ڈیہہ بعد آویسے۔ ٹھیک اے ارشد! اللہ حافظ۔ ٹھاپھا..... مہمان گے۔

انہاں دے بعد میں ڈوں ڈیہہ کیوں گزارے او صرف محسوس کیتے ونچ سکدں۔ ڈسائے نی ونچ سکدے۔ کہیں ویلے میں ہالیں کوں ڈیہدیں ڈیہدیں ڈھیراگوں تے نکل ویندا ہم۔ ایویں لگدا ہا اے شودے یتیم ہال ہن۔ انہاں دا کیا پئے۔ کوئی سر تے ہتھر کھیسے وی سہی یا کائیناں۔ ول کہیں ویلھے گھر دے اگوڑ تے کندھیں کوں ڈیہد اہم جتھاں کھیڈ دیں میڈا بچپن گزریا ہا۔ ایویں لگدا ہا میں اس گھر وچ ول کڈا ہوں کائیناں ولساں۔ جسیں ویلھے میں گھر کنوں نکلن پیا ہم تاں میکوں اپنے چھوریں دھیریں تے ڈاڈھا ترس ادا پیا ہا۔ مکلاؤں ویلھے میڈیاں اکھیں میڈے منہ دی کھل داساتھ ڈیوں توں جواب ڈے ڈتا۔ اماں سمیٹ دیاں دعائیں گھن تے جڈاں گھروں نکلن پیا ہم تاں ایویں لگدا ہا جیویں گھر دے دروازے میڈے پیر پکڑ گھدے ہوون تے میکوں ادا پیا ہووے نہ ونچ پر میں پیر چھڑواتے ٹریم۔ وستی توں نکلیں ہوئیں میں پھرتے وستی کوں آخری واری ڈٹھا۔ جسیں دیاں گلیاں وچ میڈا بچپن میکوں کھیڈ داتے بھجدا نظر ادا پیا ہا۔ اونویں تاں میں روز گھر وں باہر ویندا ہم پر



اچ داونجی کچھ عجیب ہا۔ اکھیں کوں کوئی منظر صاف نظر نہ ادا ہا۔ ایویں لکد اہا سارے منظر دھندلا گن۔ خان پور اسٹیشن توں ساکوں ڈھیر سارے بچٹیں الوداع کیتا۔ میں، میڈی چھوٹی بیگم، ظفر اقبال جتوئی تے بابا نور کراچی روانہ تھی پو سے۔ بابے نور وڈی تسلی ڈتی، او میں کنوں پہلے بانی پاس کروائی ودا ہا۔ ڈاڈا ہا مگر بزرگ، کتھائیں پریشان نہ تھیوٹ ڈٹس۔ جناح ہسپتال کراچی وچ داخلہ تھی گیا۔ اُتھاں اپریشن دی تاریخ دا انتظار کرٹ پئے گیو سے۔ سعید خاور سیں دیں محبتیں نال ترخ جلدی مل گئی۔ سعید خاور ساڈی دھرتی دا کمال جوان ہے۔ جیڑھا نوائے وقت کراچی وچ ایڈیٹر ہے۔ اوں تاں کمال کر ڈتی، مصروفیت دے باوجود وقفہ وقفہ نال ڈینہہ اچ چار چکر مار گھنڈا ہا۔ سنگتیں دیاں فون تے دعائیں کنوں پتہ لکد اہا جولوچٹ دنیا توں محبت ختم کائی تھی۔ مرشد عزیز شاہد سیں جیڑھے تقریباً روزانہ کال کریندے ہن۔ ہک جملہ آکھیو نے جیڑھا میکوں اچ تئیں یاد اے تے یاد راتسے ”وے بیاناں! میکوں تاں اے پتہ کانٹاں ہا جو میکوں تیڈے نال اتنا پیارا اے، اے تاں ہٹ پتہ بیا لکدے جو تیڈے واسطے پل پل دعائیں نال گذر دے۔“

جام عابد حسین عابد، دینور نور پوری، قاصر جمالی، اصغر گورمانی، ریاض عصمت مشتاق سبقت، جہانگیر خلص، مصطفیٰ خادم، جاوید چانڈیو، ظہور دھریجہ، اکرم نظامی، عبداللہ عامر دریشک عاشق بزدار، مظہر نیازی، شہزادہ آصف گیلانی، حاجی حبیب اللہ سراء، غیور بخاری، دبئی کنوں نذر متوجہ، ڈاکٹر خلیل احمدانی، جام فدا حسین کھمبڑا، حاجی مشتاق احمد اراکس، شاہد خان گوپانگ، سعودیہ کنوں شبیر خان ہر وقت فون تے رابطہ وچ راہنڈے ہن تے طبیعت دے بارے فکر مندی دا اظہار کریندے رہ ویندے ہن۔ اجمل ساجد تے انہاں دے والد حاجی رسول بخش سراء، مظہر سعید گوپانگ، احسن فریدی، جام عرفان بھایا سیف اللہ خان سیفل، سجاد ساقی ہسپتال تک آئے۔ کراچی دی سنگت نذر لغاری، مشتاق فریدی، مصطفیٰ خان حاجی رہنواز، کرنل جبار عباسی، پرویز مغل، قاسم خان لاشاری، غفور ملک، نثار سحرش، حنیف خان نوناری، اقبال عامر تے میڈے چھوٹے لادیاں افضل بھائی محبتیں دی کمال کر ڈتی۔ غلام جیلانی خان دھریجہ تے بھنڑیجا طارق اعواٹ ہر روز اپنا کم کار چھوڑتے پھوں سارا پندھ کرتے آوٹ، انہاں دی بے لوث محبت داشبوت ہا۔ وتی کنوں ماسٹر نذیر احمد خان گوپانگ، غلام یلین بھٹی، رستم بلوچ وی کراچی آگے تے گھروں چھوٹا بھرا احسان اعواٹ تے حاجی اقبال احمد اعواٹ دے آوٹ نال بیماری دی پریشانی محسوس نہ تھی تے اللہ دی رحمت نال اپریشن کامیاب تھی گیا۔ بانی پاس دے بعد اللہ سیں ڈو جھی زندگی عطا کیتی شیت اچاں کوئی کم باقی ہے۔

امان اللہ ارشد

سرپرست ارشد ادبی سنگت

0300-6704057

Email: amanullah.arshad@yahoo.com





خواب دی میگوں سمجھ نی آندی ، اللہ اللہ  
ہئی سانول دی پانہہ سراندی ، اللہ اللہ

کتھ آسمان کتھاں کے دھرتی جلدی پلدی  
کتھ رانجھن کتھ در دی باندی ، اللہ اللہ

کھھی میں نی نال میڈے ہے دُنیا ساری  
یار دے ناں دے ڳاؤن ڳاندی ، اللہ اللہ

ڏس دے سانول سک تیڈی کون کتھ کے سانجھاں  
نہیں ماندی دے من وچ ماندی ، اللہ اللہ

چاندنی رات اِچ تھل دی ریت جو پیر چمبیے نس  
 ریت ڈٹھی ہم بڈی چاندی ، اللہ اللہ

کافر آکھ کے ساڑیا دُنیا جیکوں اہ وی  
 خاک وچوں آواز ہے آندی ، اللہ اللہ

ہونکوں غیر سمجھدیں ارشد جیندے مُنہ تے  
 نت ہے تسبیح تیڈے ناں دی ، اللہ اللہ

☆.....☆.....☆



(مرشد عزیز شاہد دے حضور)

لب تے لفظیں دا کال ہے مُرشد  
اندری اندر دھمال ہے مُرشد

ساڈے وسے تے مینہ وسیا کائی  
ساڈا سفریں تے مال ہے مُرشد

تیڈے قد میں کوں زندگی سمجھے  
ہُن تان نکھوٹن محال ہے مُرشد

بھاویں چہرے تے ودھر پئے گئے ہن  
دل تان ہالی وی ہال ہے مُرشد

ساڈے کیتے کرم اے تھوڑا نہیں  
تیکوں ساڈا خیال ہے مُرشد

اپنے اندر جو جہات پاتی ہے  
ہجر وچ وی وصال ہے مُرشد

کتواں ڈینھ اے روزیت پٹھے ہیں  
ہنجھ دا پانی حلال ہے مُرشد

روز جلدے چکھوں تے نہیں ہٹدا  
ساڈا دل وی بلال ہے مُرشد

لعل کوئی کائی گودڑی دے وچ  
گودڑی آپ لال ہے مُرشد

کئی فقیریں سُنجاں پاتی ہے  
تیڈا در وی کمال ہے مُرشد

ہونٹ چپ ہن تاں کیا تھیا ارشد  
جسم سارا سوال ہے مُرشد

☆.....☆.....☆





جسم توڑے جو تھی بگن خستے پالیں دے  
باری تھیندے ویندن بستے پالیں دے

پال تاں ہوندن پھل پھلیں دی قسمت کیا  
بھاپیں نال سچے ہن رستے پالیں دے

دل تاں آہدے یونہی نال ٹھگال گھنوں  
اے جتنی پر خواب نی سستے پالیں دے

کھلدے بگن تے شالا کھلدے گھر آؤن!  
ڈر ڈر تے پہہ ڈیہدوں رستے پالیں دے

منہ ڈوگنکیاں شارِتاں ڈے کے کیا منگدن  
ڈس ہاں سمجھے کون شکستے پالیں دے

منظر ڈیکھ آسمان دیاں اکھیں رو پوندین!  
خون اچ لتھڑیے پُٹ تے بستے پالیں دے

بھانویں ارشد جتنی وار خزاں آوے  
نہ گملاوِن اے گلدستے پالیں دے

☆.....☆



اپنے نکھڑیئے، جن مختار بلوچ دے ناں

نگاہیں توں نکھیر دے نی کریندے  
ایویں ویران دیہڑے نی کریندے

ایویں ادھ سیرٹھ وچ لائہہ نی چھڑیندی  
ایویں تاں غرق پڑے نی کریندے

بھریئے شہر اچ جیویں ککھا کھڑائی، گئیں  
ایویں تروڑے نیڑے نی کریندے

میڈا مالک کہیں مجبور اکھ توں  
پرے مکھٹاں دے پیڑے نی کریندے

(احسان اللہ اشہد)

(دھمال)

جھتوں ولدی ولا ولدی نہ ہووے  
اتجھے پاتے سنیہڑے نی کریندے

رُسٹن والیں کوں کوئی تاں ونج کے آکھ  
اتجھے جھیرڈے اوڑے نی کریندے

ونجن جیڑھے تے جیوٹن اوکھ نظرے  
او اتنی دل دے نیڑے نی کریندے

ملن دی آس وی ہووے نہ ارشد  
ایہو جھیں یار! جھیرڈے نی کریندے

☆.....☆.....☆





پُپ چنگی نی کجھ کجھ رو لے ہووِن پے  
ڈھیر نہیں تاں تھولے تھولے ہووِن پے

سُن چلکا رتے من دی تار چھٹنگ پئی اے  
ٹالھی تے چڑیاں دے ٹولے ہووِن پے

من وچ وسدے لوک ورن جتھ خوش ہووِن  
بیشک او اکھیاں توں اولے ہووِن پے

دل دے حال لکھیسوں قبر دیاں کندھیاں تے  
کفنی دی گنڈھ ہک ڈوکولے ہووِن پے

کرٹا پیار تے ول دنیا توں ڈرٹا کیا  
ہوون پے چودھار چو لے ہوون پے

دور توں لگدا قافلہ ہے درویشاں دا  
کانہیں دے گل ساوے چو لے ہوون پے

روہی واس ہوں اپٹے لوک پیارے ہن  
بھانویں جو ہن گالھے بھولے ہوون پے

گالھ کریں فرعون دی اکھ وچ اکھ پاتے  
محل دے سامنے تہڈے کھولے ہوون پے

منزل پاسے منہ کر ٹرتاں ہن ارشد!  
ٹردن بھانویں ہولے ہولے، ہوون پے

☆.....☆.....☆



او ساوڻ ها سڳيا ني وس اڄڻ تين  
اساں تس هاسه هون پے تس اڄڻ تين

اڻ مڙ ڪے هڪ دفعه ڪھل ڪے ڏٺا ها  
اساں چيندے ودے هيں چس اڄڻ تين

توڻے سر تے برف بارياں شروع هيں  
مکي اندر دي نهيں اُڪرس اڄڻ تين

مٺا هڪ ناں گھدا هم ياد امدے  
ميڙے منہ وچ ودي هے رس اڄڻ تين

سبھے لوکی ایس راہ تے ویندے پئے ہن  
ولیا تاں کوئی وی نہیں واپس اچن تیں

رلے رہندیں ہوئیں عمراں گزر گئی  
اُونکوں کجھ نی سکيا میں ڈس اچن تیں

جیندے دل وچ نی وسدا پیار ساڈا  
اساں پیسے پے اوندے وس اچن تیں

سوچیندوں روز ارشد ، بس کریندوں  
کیستی تاں کائے پر بس اچن تیں

☆.....☆.....☆





وَتی وَتِی ہوکا ڈیسوں ، ویسوں پے  
لُحْطہ کھیڈٹے یار وِچیسوں ، ویسوں پے

جھوک تیڈی تے کیڑھے ماٹ مسافریں کوں  
ڈو ڈینھ تیڈا مال چریسوں ، ویسوں پے

پکھی واس ہیں سیں تیڈے ہمسائے تاں نہیں  
جیلے آکھیں مڈیاں چیسوں ، ویسوں پے

کھل آکھے یا رو آکھے کوئی جو آکھے  
یاداں ساریاں سینے لیسوں ، ویسوں پے

ساڈے دل کوں تروڑن والا تنگ نہ تھی  
لحظہ کھن بس نیر وہیوں ، ویسوں پے

تیڈیاں پکھیاں کتھ تے کتھ ہن محل اونڈے  
پاگل دل کوں اے سمجھیوں ، ویسوں پے

ساڈا تاں بس جوگیاں والا پھیرا ہے  
بین وچیسوں ، من پرچیسوں ، ویسوں پے

ساڈی بکھ کوں ڈیکھ تے توں نہ مونجھا تھی  
تیکوں کوئی تکلیف نہ ڈیسوں ، ویسوں پے

شہر وی تیڈا لوک وی ارشد تیڈے ہن  
ساڈا کیا ہے جیلے ویسوں ، ویسوں پے

☆.....☆.....☆



کچھ روہ نکلتے ، کچھ تھل نکلتے  
دل تاں سارا جنگل نکلتے

اکھ میڈی توں ہنج نکلتی ہے؟  
یا ساوٹ دا بادل نکلتے

کون ہے چور کڈھائے می نانواں  
پکو ناں ہے ، وَل وَل نکلتے

ہولے ہولے سُخ تھئی وستی  
کوئی اہج نکلتے ، کوئی کل نکلتے

تیڈے شہر توں تیڈے در توں  
جو وی نکلتے جل جل نکلتے

چندر کوں حُسن تے ناز بہوں ہا  
میڈے چندر دی آدھل نکلتے

تیڈے نال گزاریا جیون  
جیلے سوچم ہک پل نکلتے

ساکوں یار بٹا کے خوش ہے  
ارشد او وی پاگل نکلتے

☆.....☆.....☆





اچ کھیپا ہے کل کھیپا ہے  
توں وی مل پیا ہیں، ول کھیپا ہے

باہروں میلہ ہے، من اکیلا ہے  
دراصل اے اصل کھیپا ہے

اساں زیور سمجھ کے پاتا ہے  
ساڈی عمراں دے گل کھیپا ہے

زندگی دان تھئی اے ڈو پل دی  
پل کھیپا ہا، پل کھیپا ہے

ہک مکاں لامکاں دے وانگوں ہے  
ہک محل، بے محل کھپا ہے

کہیں دے احسان چا کے کیا جیوٹ  
ایں حیاتی دا حل کھپا ہے

دل دی دھڑکن جو رکدی ویندی ہے  
موت نہیں اے مٹھل کھپا ہے

ساڈی جُت تاں کئی نہیں ارشد  
یار دل سگدیں ول، کھپا ہے

☆.....☆.....☆



تیڈے آوٹ کوں دیر تھی گئی اے  
میکوں روندیں سویر تھی گئی اے

کر نہ ترلے ساکوں بچاؤں دے  
ہُن ہوں ساری دیر تھی گئی اے

پتھریں تے نراض کیوں تھیندیں  
تیڈے بُوہے تے پیر تھی گئی اے

زندگی ہُن تاں ساکوں معافی ڈے  
جیرہی تھی گئی اے ڈھیر تھی گئی اے

اے رقبیں دی فوج کجھ نہ ہئی  
تیڈی شابس تے شیر تھی گئی اے

اے بھنوالی خوشی دے ویلے دی  
تیڈی جھمر دا پھیر تھی گئی اے

او الیندا تے پھل کریندا ہُے  
تار دل دی چنگیر تھی گئی اے

وقت جو اوندے نال ٹر پیا ہے  
اوندی شارک وی سیر تھی گئی اے

ڈھیر کوئی شے وی ٹھیک نی ارشد  
یاری ودھ ودھ کے دیر تھی گئی اے

☆.....☆.....☆





سو جھلنیں دا ہے رہنٹا کال حویلیں وچ  
توں نہ مُفتے ڈیوے ہال حویلیں وچ

پیار دے ہک مجرم کوں سولی چاڑھیا گیا  
کھلدا رہ گیا ہیا بھائیوال حویلیں وچ

اکھیاں اکثر ایہے منظر ڈیہدیاں ہن  
کالے لیکھ تے چٹڑے وال حویلیں وچ

سچ دے سانگے، خواب، خیال تے دھج کُوڑی  
کیا کیا سانہوں ہن درسال حویلیں وچ

ساڈیاں دھاہیں کوٹ کوں لگ کے دل آیاں  
کون چُجاوے ساڈے حال حویلیں وچ

پیار تیڈے دا قیدی کلھا نہیں ہوندا  
تیڈیاں یاداں رہندیں نال حویلیں وچ

کتنے مفلس پیار دفن تھے کندھیاں وچ  
کتنے خواب ڈتے گئے جال حویلیں وچ

نال ہوویں تاں ریت بہشت اے ارشدی  
تیں دن دل نی لکدا لال حویلیں وچ

☆.....☆.....☆

(معان)



اپنے نازک مزاج زخمیں کوں  
کیوں نی گہدا علاج زخمیں کوں

سرتے سنگریے میڈے کائے پھل کائنی  
کوئی پوا ہیا ہے تاج زخمیں کوں

ساڈنیں لفظیں دی لوڑھ ہے اینکوں  
کائنی ڈیہدا سماج زخمیں کوں

گُوڑ ، لالچ ، فریب تے دھوکا  
چھیڑ نہ لا علاج زخمیں کوں

جیرٹھا کھل تے او قرض ڈے ویندے  
بھرٹا پوندے دیہاج زخمیں کوں

توں وی آسگدا ہیں نشانے تے  
ڈے نہ اتنی رواج زخمیں کوں

تیڈا آوٹ علاج ہے ارشد  
منہ ڈکھا ونج مُتھاج زخمیں کوں

☆.....☆.....☆





زندگی کوں جو سُکھ دی سنگت ڈے گیا  
ویندیں ویندیں نواں زخم و ت ڈے گیا

بعد تیڈے ، تیڈے غم دا احسان ہے  
کئی ڈیہواریں دی ساکوں سنگت ڈے گیا

ماٹ ودھ گے میڈا میڈیں نظریں دے وچ  
میڈا دشمن جڈاں میڈی پت ڈے گیا

توں اُمیدیں دا ڈیوا ہیں توں نہ وسم  
تیڈی خاطر کوئی بگل دی رت ڈے گیا

ڈیکھ کہیں دے اُتے نہ بھروسہ کریں  
میکوں ڈھلدا پچھاواں اے مت ڈے گیا

ہونکوں ہک مُسک خیرات ڈے نہ سکیوں  
تیکوں سُکھ دی جیڑھا سلطنت ڈے گیا

شخص مفلس جیہاں ڈے کے ہک کھل تیکوں  
کتنے سالیں دی سُدھ فی کمت ڈے گیا

اے وی بارش دے موسم دا احسان ہے  
میڈے گھر کوں ستاریں دی چھت ڈے گیا

پیار ارشد ملیا، بھاویں نفرت ملی  
جو وی ڈے گیا تیڈی معرفت ڈے گیا

☆.....☆.....☆

(دھمال)



ہن تہڈے اے سینے زوریاں کون کرے  
اکھ دے اندروں خواب دیاں چوریاں کون کرے

پیار دا رشتہ کچی تند ہے ریشم دی  
پکیاں ایہے کچیاں ڈوریاں کون کرے

تاج محل دے اندر راج اندھاریں دا  
گوریاں صورتاں اندروں گوریاں کون کرے

وصل دے دسدے مینہ دج نین نچا ڈیکھوں  
کٹھیاں پر اے چندر چکوریاں کون کرے

دل دی تاں ہئی ڳال ہئی دل تاں نہ رہ گیا  
ہُن اے سکھٹیاں نین پشوریاں کون کرے

اکھ دا واسی موتی ڏے تے نِکھریا گے  
خالی اے منہ تار کٹوریاں کون کرے

تھل تے ارشد چھوڑ ویساں چھاں چھالیں دی  
جیندیں جی اے راہواں چھوریاں کون کرے

☆.....☆.....☆



مونجھ ودھ ودھ ودھیک تھی گئی اے  
شرک وانگوں شریک تھی گئی اے

انتظاریں حساب فی کیتا  
پٹھیں رستویں تریک تھی گئی اے

حال سٹوا ہاں پیار دے پنڈھ دا؟  
ہُن طبیعت تاں ٹھیک تھی گئی اے

میں ہاں بھونیں واس بھونیں دی دلداری  
میڈے خون ایچ شریک تھی گئی اے



کائنی ولٹا تاں یار نی ولٹاں  
جاں پھرتے لیک تھی گئی اے

پیار دی پل صراط اہ کل تاں  
وال توں وی بریک تھی گئی اے

تیڈے ہتھ اچ جوہنی تاں دولت ہئی  
میڈے ہتھ وچ تاں بھیک تھی گئی اے

گنگی فریاد اہ میڈی ارشد  
تیڈی چوکھٹ تے چیک تھی گئی اے

☆.....☆.....☆



توں سہہ سہکسیں نہ ساڑے دُور تھی وِنج  
بھلا سنگدل دے پاڑے ، دُور تھی وِنج

توں اکھیں نہ وچھا ہُنٹ اُوندی راہ تے  
ودا بگلیاں لتاڑے ، دُور تھی وِنج

توں شرمیلا جیویں چھوئی موئی دا تِیلا  
اتھاں لوک اِن گراڑے دُور تھی وِنج

اساں دل دی دلیری ڈیکھٹی ہے !  
ایویں ہک ڈوں ڈیہاڑے دُور تھی وِنج

فِضا ایں شہر دی رہزن بٹی ہے  
نہ بھر بھونگے تے بھاڑے دُور تھی وِنج

وفا داری تاں ہے گھاٹے دا سودا  
نہ پڑھ اُلٹے پہاڑے ، دُور تھی وِنج

اتھاں انسان رب کوں بھُل گیا ہے  
متاں آوِن اُجاڑے ، دُور تھی وِنج

نکھیرے وِنج بکھیڑے شرط کائنی  
ویگاڑے نہ ویگاڑے دُور تھی وِنج

اے نِت ارشد لڑایاں جگ ہسایاں !  
توں سٹ نِت نِت دے کھاڑے دُور تھی وِنج

☆.....☆.....☆



ساڈا لفظ لفظ دردو ساڈی ڳال ڳال زخمی  
اساں درد دے مسافر ساڈا سارا حال زخمی

ساڈے درد کیا پھلیندیں ساڈے زخم کیا ڳٹیندیں  
اساں کربلا دے تسڑے ساڈا وال وال زخمی

سیہوں دشمنیں دے پتھر آساں سخت جان کھلتے  
کوئی مہربان کر گے ساکوں پھل دے نال زخمی

ساڈیاں کچ کرور آساں تیڈا تیز تیز لہجہ  
تیڈا ہر جواب پتھر ساڈا ہر سوال زخمی

جیندے ہونٹ بند ہووِن، جیندا زخم زخم پو لے  
میڈے وانگ تھی سگی تاں کوئی پیا ڈ کھال زخمی

میڈے ہاں کوں ہوڑ سگدیں میڈا عزم مرنی سگدا  
تیڈا ظلم کرنی سگدا میڈی صبر ڈھال زخمی

اتھاں کون کہیں دے ارشد زخمیں تے لاوے مرہم  
پیا ہے قدم قدم تے اتھاں زخمی نال زخمی

☆.....☆.....☆





اکھیں ساوڻ تھیون بیشک سوچاں تھل نہ تھیون  
پیر تھئے شل خیر انہاں دی جذبے شل نہ تھیون

اچ مل پئے ہیں اچ تاں رہ تے دل دیاں ڳالھیں کر گھن  
تھی سڳدے کل تھیوے پر اے میلے کل نہ تھیون

اُتنے توڻی ساری وستی سمجھ دے سانگے سکے  
سچ دی سولی دے جے توڻی سُونہیں ڳل نہ تھیون

نہ آویں تاں تیڈی مرضی آنویں صاف ڈسائی ونج  
تاں گھیس دیوچ مفت اساڈے خواب نجل نہ تھیون

اسانیں توں ڈھندیاں بجلیاں سرتے آپ بھگیسوں  
ریشم لوکیں کوں ونج آکھو ساڈی جھل نہ تھیون

جیڑھے تروڑتے رشتے سارے پکے پار پے ویندن  
دل چھندے او اکھ توں ارشد اوڈھر پل نہ تھیون

☆.....☆.....☆



راہ منزل دی گمنام تھیندی پئی اے، شام تھیندی پئی اے  
آس جیوٹ دی ناکام تھیندی پئی اے، شام تھیندی پئی اے

او جیکر آویندا دل کوں تسکین ہئی، رُت وی رنگین ہئی  
ہنٹاں مونجھیں دا کُہر ام تھیندی پئی اے، شام تھیندی پئی اے

کتنے ننگے بدن ایندے اوچھٹن تلے، کالے بوچھٹن تلے  
بے لباسیں دا احرام تھیندی پئی اے، شام تھیندی پئی اے

تیڈیں زُلفیں دی سانول سیاہ رات اہ، ہنٹے خیرات اہ  
شوم شہریں دیوچ عام تھیندی پئی اے، شام تھیندی پئی اے

شام تھی تاں او واگاں ولیسے کیویں، کلھنیں ویسے کیویں  
میڈی چاہت تے انعام تھیدی پئی اے، شام تھیدی پئی اے

حُسن تیڈے دا اے چندر بِلٹا تاں ہے، انت ڈھلٹا تاں ہے  
ڈُسنھ دا ڈیکھ انجام تھیدی پئی اے، شام تھیدی پئی اے

میڈیں ہونٹیں تے وی آس نجدی پئی اے، پیاس نجدی پئی اے  
تیڈی اکھ وی جھٹ جام تھیدی پئی اے، شام تھیدی پئی اے

کرتے وعدہ توں ارشد بھلائی ڈر نہیں، میڈا کئی ڈر نہیں  
تیڈی چاہت وی بدنام تھیدی پئی اے، شام تھیدی پئی اے

☆.....☆.....☆



ہول نہ ڈھول ایویں مجبوریاں ہوندین پیاں  
پیار والیں دے لیکھ اچ دُوریاں ہوندین پیاں

اڻا پیار جے توڑ نی پُناں مَنجھ نہ کر  
ڈھیر کہانیاں یار ادھوریاں ہوندین پیاں

پیار کرڻ والیں دا حق ہے رت ڈیوڻ  
کہیں دی قسمت دیوچ پُوریاں ہوندین پیاں

جگ آہدے جو خوشبو قید نی تھی سگدی  
قید دیوچ وی کئی کستوریاں ہوندین پیاں



دل کالے تے اندر میلے ہوندے ہن  
 باہروں شکلاں گوریاں بھوریاں ہوندین پیاں

تیر مریندن پھلاں نال سنگار کراہیں  
 زہر پٹھن تاں لال کندوریاں ہوندین پیاں

جیوٹ ارشد کھیں جیوٹ ، کیا جیوٹ  
 روروتے بس زندگیاں پوریاں ہوندین پیاں

☆.....☆.....☆



درد سٹوا نہ یار کندھیں کوں  
ڈیکھ! ٹکراں نہ مار کندھیں کوں

کتنی بھولی ہے مفلسی میڈی !  
گھراکھندی ہے چار کندھیں کوں

کھمدی کھیمٹوں خوف تھیندا ہے  
میڈے گھر دئیں بہار کندھیں کوں

کاسی مگٹی اے تیڈے بے پردی  
جتنی ڈیویں توں وار کندھیں کوں

ہُن تان اے حال اے، حال ڈینداں بہہ  
آپٹیں راز دار کندھیں کوں


گل اساڈے دا خون حاضر ہے  
سانولا توں سنگار کندھیں کوں

مینہ لالچ دے لوڑھ چھوڑیا ہے  
ساڈے ویڑھے دیں تار کندھیں کوں

دل ملیندیں تان ول بہانے کیا  
کیوں کریندیں شمار کندھیں کوں

پاڑے وسدے دا حال نہ نظرے  
اے جتی نہ اُسار کندھیں کوں

بے گھریں دی امان ہن ارشد  
تہوں کریندا ہاں پیار کندھیں کوں





ولھیٹ اپنے گناہیں ساریں دا بار مونڈھے تے چئی ودے ہیں  
اونویں تاں ڈیکھن کیتے اے کالی لکار مونڈھے تے چئی ودے ہیں

کتھا ہوں اڑتے جو کھڑ گیا ہے قمیض دے وچ کرینہہ دا پھل  
ایویں نظر دا ہے سارے تھل دی بہار مونڈھے تے چئی ودے ہیں

کتھاپیں مہندی، کتھاپیں کجلہ، کتھاپیں کنگھی، کتھاپیں شیشہ  
تپڑے ملن کیتے ڈیکھ سارا بزار مونڈھے تے چئی ودے ہیں

خبر نہیں کتنے لوک ساڈی حیاتی کیتے دُعائیں منگدن!  
اساں تاں بچٹیں دا ڈھیر سارا ادھار مونڈھے تے چئی ودے ہیں

توں لاتے تہمت نویں اساں تے اساڈا ڈس کیا وِگاڑ گھنسیں  
ایہو جھیں الزام جندڑی جیوی ہزار مُونڈھے تے چئی ودے ہیں

اتھاں وی تاں کوئی من منوتی اتھاں وی تاں کوئی پال ڈیوا!  
اساں جو یادیں دے اتنے سارے مزار مُونڈھے تے چئی ودے ہیں

او وچدے واچے سچے کچا وے نہ سَنگرِیے مارھی کتھاؤں نظر دن  
ونجا کے ساری قطار خالی مُہار مُونڈھے تے چئی ودے ہیں

اساں ہسے پکھی واس ارشد اساڈے گھر دے نصیب اے ہن  
میلی نی دھرتی تے جاہ پرور دِگار مُونڈھے تے چئی ودے ہیں

☆.....☆.....☆





ساڈے خواب اساڈے وانگے رُل گے رول تھلاں وچ  
 ساڈا جیوٹ ، جیوٹ جوگا، مفت نہ گول تھلاں وچ

کیندے پیرے میس تے اچ تیں واء چکھتیدی پئی اے  
 کیندی گول اچ پھر دی ہے اچ تھی بے شول تھلاں وچ

ڈیکھ کے تھل دی ریت اچ چاندی مہندی وانگے رچدی  
 میڈے من دی مست چکوری پئی اے بول تھلاں وچ

تیڈے پیر ملوک تے اوڈوں ریتاں جلدیاں ہلداں  
چھالے چھالے تھی رُل وِسن وِچ نہ ڈھول تھلاں وِچ

پندھ ای پندھ اے دھرتی تے اسمان دے ڈھانڈیاں توٹی  
تس ای تس اے تس دی بس ہٹن نہ کر تول تھلاں وِچ

ہولے ہولے سینے وسدی ساول سڑدی پئی اے  
وسدانی تاں وسدے دی کوئی گال تاں چول تھلاں وِچ

ویرانیاں کوں بھُل کے ارشد کیویں پیار وندیندوں  
فرصت ہووی آہاں ہک ڈینہہ ساڈے کول تھلاں وِچ

☆.....☆.....☆



ایہو یاد اے تیڈے درتے اساں پکوار آئے ہاسے  
تیڈے ہاسے بھریئے کاسے تھئے منہ تار آئے ہاسے

حیاتی دے سفر وچ توں ساکوں مل پئیں جے نہ ملدا  
ایویں لگدا زمانے تے اساں بیکار آئے ہاسے

لگی دریا کوں ڈھا ہے بھر دی بھرتے مال ہن ساڈے  
ہئی سب خیر ہے ایہو ڈساوٹ یار آئے ہاسے

توں ہیں من میت تیڈی جیت تے ہک ریت ٹوری ہئی  
اساں خود ہار کے تیکوں پواوٹ ہار آئے ہاسے

(دھمال)

(امان انعام)

تیڈا در ہے اتجھا در جتھ اے سر سجدے دیوچ سجدے  
کہیں آکھیا یا نہ آکھیا اساں سرکار آئے ہاسے

ساڈا ناں لوک چندے ہن جیڑھے در تے صدا کرتے  
اوہو در ہا ہوں در تے اہ سوائیں کار آئے ہاسے

محبت پار دی تاں ساہ دی سرحد پار ٹپ گئی اے  
نشائیاں نال ہن یاداں ڈیویسن پار آئے ہاسے

میڈا ہمزاد من ، من دی مجاور بن اُتھائیں پیٹھے  
جتھاں یادیں مُرادیں دا بٹائی دربار آئے ہاسے

اے دل، نیناں تے روح ارشد جتھاں لڑھے اتھائیں کھڑے  
اساں تاں خالی ہتھیں بس ولیئے اُروار آئے ہاسے

☆.....☆.....☆



ہے نمائش دُھنواک چہریں دی  
تھیوے پہچاٹ خاک چہریں دی

من دے اندر دے زہر لہجے ہن  
صرف ہے ہٹ کڑاک چہریں دی

ساڈے نیناں تے تندر دے پہرے  
اتھ ضرورت سُجاک چہریں دی

ساڈا جیون حرام کر گے ہن  
مہربانی چلاک چہریں دی



میں مَصور ہاں دل تلک ڈیہداں  
کر کے تصویر چاک چہریں دی

یار لوکیں ڈے شالا خیر ہووے  
کیوں ہے حالت ہلاک چہریں دی

اساں چھالے پندھیڑو پیریں دے  
توں تاں کھل ہیں اُشاک چہریں دی

نہے کافر ، کیتی پیسے ارشد  
بندگی ٹھیک ٹھاک چہریں دی

☆.....☆.....☆



اوندا شالا بخت رب ڈوڑا کرے  
ساڈے بارے وی تاں گجھ سوچا کرے

اوندے پیریں پھل وچھاوٹ واسطے  
سک اساڈی شام تیں پورھیا کرے

سر قیامت آ ونجے کوئی ڈر نہیں  
نال یاریں یار نہ دوکھا کرے

تیڈے سارے غم میڈے سرتے ڈہن  
تیڈے دشمن کوں خدا اندھا کرے

اساں تن توں رُوح تائی پُس وُچوں  
ساڈے سرتے کوئی بدل مُندھا کرے

اکھ دیوچ تانگھیں دے ڈیوے بُجھ ویندن  
اتنی آکھیم جلدی دل آیا کرے

ایں دفعہ تاں بچ گیاں آکھو اوکوں  
تھی سبکس تاں پیا کوئی دوکھا کرے

چندر تے وی ہُن بھروسہ ٹھیک نی  
چاندٹی وچ بہر نہ نکلتا کرے

کون ارشد ، کون میں نی چانڈا  
اوکوں آکھو ایں تاں نہ آکھیا کرے

☆.....☆.....☆



دُعائیں بے پناہیں وچ لتھی برسات ساوٹ دی  
اساں کچیاں کندھاں ساڈے ہے سرسکرات ساوٹ دی

گیا ساوٹ مکیاں کھچیاں اساں سوکڑ کوں سکدے رہے  
اساں ڈو یار نہ بھیجی کوئی سوغات ساوٹ دی

جھلپے ہا سے بھنے کا سے سبھے کٹیاں گیاں جھٹیاں  
اساں کولوں سنبھالی نہیں گئی خیرات ساوٹ دی

اساڈی رُوح دے ٹوبھے سبھے منہ تارتھی گے ہن  
ہے اچ سانول ایویں وسیا جیویں برسات ساوٹ دی

مٹھی ٹھڈکار دیاں موجاں میڈے روح نال ونج رلدین  
ہے والیں ونج جڈاں انگلیں پھر یندی رات ساوٹ دی

ضرورت توں زیادہ فرق ہا کیویں اساں ملدے !  
کتھاں اوقات کہیں تھل دی کتھاں ہئی ذات ساوٹ دی

کیویں او سے نہ راہ رہ گے کتھاں او سے نہ گھر نچ گے  
ڈو تے دھاں کتھاں ونج کے ایں بے مرجات ساوٹ دی

مٹھی کرن مٹن دیاں پھینگاں چواتیاں بن ویندن ارشد  
شالا کوئی رات نہ آوے وچھوڑے وات ساوٹ دی

☆.....☆.....☆





تریہ دی توہین نہ کر تھل پیاسا وتچ کے  
چوڑوی دے چندر نہ گھن اپنا ڈیوا وتچ کے

رُل گیا ہے اہ دا شاعر شہرتیں دے شور وتچ  
مطمئن ہے آپٹیں سوچیں کوں سستا وتچ کے

ہئی ضرورت دھی سسی دیاں چلکاں چا بازار گیاں  
ایویں لگدے ول آیا ہاں ساری دُنیا وتچ کے

ڈیکھ سگدیاں نی ساڈیاں اکھیں بُسیاں باہیں تیڈیاں  
گھن گھنیں وزگاں ساکوں سستا مہانگا وتچ کے

میں کنوں انج تھی کرئیں اونکوں وفا دی ٲول ہے  
 ٹر پئے شیشے خریدن اپنا چہرا وچ کے

تسی مٹی وچ میڈے وڈ کیس دے پیرے دن ہن  
 میں سمندر کانناں گھنساں اپنا صحرا وچ کے

نفرتیں دے دور وچ جے مل پووے پل پیار دا  
 گھن گھناں میں مسجداں ، مندر کلیسا وچ کے

تیں کنوں ارشد فقط اپنی انا نہیں وک سگی  
 لوک تاں اتھ معتبر تھن اپنا شجرا وچ کے

☆.....☆.....☆



ہے کیا تانگھ تے تس ، طلب ، یاد آگے  
تیڈے نین نظریئے تاں سب یاد آگے

او رُخسار دے تل تے تاریں دی جھلمل  
تیڈے پیار دے پل عجب یاد آگے

آیا یاد ، سرکار شاہد دا مصرعہ  
”جو لب یاد آگے تاں رب یاد آگے“

او پاگل ، او ضدی، او مجنوں، دیوانہ  
تیڈے بخشے سارے لقب یاد آگے

نکھیرے دے ڈوں ڈینہہ کیا سرتے آئے ہن  
ساکوں اپٹا نانواں نسب یاد آگے

گلابیں دیاں پتیاں تے پتیاں تے شبنم  
پتہ نی میکوں کیندے لب یاد آگے

سچی رات جاگن ، او نانی دے قصے  
عجب لوک ، ویلے عجب یاد آگے

جتھاں تیڈے پیریں دے پیرے نظر آئے  
نگاہیں کوں سارے ادب یاد آگے

نشائیاں ، کہانیاں تاں نی رہ گیاں ارشد  
پتہ نی او کیوں بے سبب یاد آگے

☆.....☆.....☆

(دھمال)



سانول نہ روز ایویں زلفاں کھنڈاوٹیاں ہن  
خوشبو سنبھال رتاں اے ول نہ آوٹیاں ہن

مونجھیں توں مردے ہاسے، خود گھرتوں ڈردے ہاسے  
سکین دے قدم جو آئے ہن جھوکیں تے ساوٹیاں ہن

اوہتھ میڈے ہتھیں وچ، کائنات ہے ہتھیں وچ  
چم چم کے جیلے تھکساں مہندیاں لواوٹیاں ہن

چٹیاں ملوک باہیں، خالی جے تھیاں کڈاہیں  
ہر شے کوں وچ اونکوں وزگاں پواوٹیاں ہن



چاتے نظر جھکاوے ، مُسکاتے منہ لُکاوے  
ساریاں ادا نہیں اوندیاں بس من کوں بھاوٹیاں ہن

او پل نہ رب ڈکھاوے ، اوندے پیریں دھوڑ آوے  
ساوٹ دیاں بارشاں میں اکھ توں وساوٹیاں ہن

ایں وار جے او آیا ، موقعہ خدا ڈیوایا  
خواجے دیاں اونکوں ارشد کافیاں سٹاوٹیاں ہن

☆.....☆.....☆



(سلیمان خاں غزلائی دی محبت دے ناں)

میڈے ڈکھ میں توں سُن جُلدا تے اپنے غم سٹا جُلدا  
اندھارے دا سفر ہے نال جُلدیں تاں الا جُلدا

توں ڈوں پل دی رفاقت وچ ساڈا دل نال چئی ویندیں  
توں ڈوں ڈینھ جے اتھاں رہندا تیڈے گڈ قافلہ جُلدا

میکوں ہوں ڈینھ توں اچ توٹی کوئی غم وی نی غم لگدا  
ایہو یاد اے اوں آکھیا ہا جو غم وچ مُسکرا جُلدا

ہوونِ راہ وچ جتی جنگل ، جتی او جھڑ ، جتی دریا  
محبت او وظیفہ ہے توں پڑھ رستہ بٹا چلدا

پھسیں طوفان وچ جیلے نہ روویں جگ نہ خوش تھیوے  
کنارے تے کھڑے لوکیں کوں کھل کے ہتھ ہلا چلدا

سدا سنگت نبھیاں میں اُوں آکھیا ہا مگر ارشد  
اساں پتھر او خوشبو ہا ، او ساڈے نال کیا چلدا

☆.....☆.....☆



ایں طراحویں دے گھر ٹنگیے ہوئے ہن  
بس دیواریں تے در ٹنگیے ہوئے ہن

ایویں اچکل بشر ٹنگیے ہوئے ہن  
جینویں شانخیں ثمر ٹنگیے ہوئے ہن

ایویں ٹنگلیں تے پھل سجے ہوئے ہن  
جیویں سولی تے سر ٹنگیے ہوئے ہن

ڈیکھ تارے فلک تے ایں لہدے  
چھوٹے چھوٹے حشر ٹنگیے ہوئے ہن

ہک دھماکے دے بعد تاریں تے  
کتنے پکھیاں دے پر ٹنگیے ہوئے ہن

بہر نکلوں تاں کیڑھا راہ گھسن کے؟  
سارے شہر اچ تاں ڈر ٹنگیے ہوئے ہن

جیڑھے لب وی ہلا نہیں سگدے  
اوتال اندری اندر ٹنگیے ہوئے ہن

ہے تاں دربار بہوں وڈا ارشد  
لوک کیوں مختصر ٹنگیے ہوئے ہن

☆.....☆.....☆





در بدر تھئے ہیں در نہیں لبھدے  
ہن تاں اپنے وی گھر نہیں لبھدے

جھوک تیڈی توں ول نہیں ویندے  
یار پکھیاں کوں پر نہیں لبھدے

میکوں آکھیں سفر حیاتی وچ  
تیں جیہیں ہمسفر نہیں لبھدے

یار اونویں تاں ڈھیر لبھدے ہن  
یار ! تئیں جھیں مگر نہیں لبھدے

روز عیناں سجا کے نہ نکلتا  
روز اہل نظر نہیں لبھدے

پیار والے ایں جگ اُتے ارشد  
لوک ہن مختصر نہیں لبھدے

☆.....☆.....☆



ہُنِ تاں تھی گے زیان کیوں ڈکھے  
کوئی ساکوں مہربان کیوں ڈکھے

ملیے ہاسے تاں توں تے میں ہاسے  
جیلے نکھروں جہان کیوں ڈکھے

اکھیں، اکھیں دے وچ مُکاؤں جھیرا  
اینکوں ساڈی زبان کیوں ڈکھے

گھر دا ڈیوا تہوں بجھا چھوڑیم  
میڈی حالت ممہان کیوں ڈکھے

اوتارا وسدا ہے چندر تاریں وچ  
بھونیں تے آ کے ”دماں“ کیوں ڈیکھے

اساں ہک جان تھی کے کھڑ گئے ہیں  
ہن ساکوں آسمان کیوں ڈیکھے

سک سہے فاصلے مکا چھوڑیں  
کوئی ساڈے درمیان کیوں ڈیکھے

سچے موتی کتھاں کے وچ ڈیوے  
گالھی اکھ اے دکان کیوں ڈیکھے

اینکوں دل نی ڈکھاٹا ارشد  
مونجھ تیڈا مکان کیوں ڈیکھے

☆.....☆.....☆



مُنہ توں مونجھ کوں نال ہنجھوں دے دھوون ڈا نی آیا  
ساکوں ہجر دے موسم وچ وی روون ڈا نی آیا

ہار نی اوندے گل تیں پہنچا قد میں کیر کھڑے ہیں  
اوتری اکھ کوں موتی موتی پوون ڈا نی آیا

فجریں توں گھن شام تیں گھمدوں ول ڈیہدوں ہوں جائیں  
پل دے اندھے کھوہ تے جوڑا جوون ڈا نی آیا



پیر رنگیندے کیا اوندے ہتھ اپٹے رہ گئے چڑے  
 ڳال کھڑے ہیں تھال تے مہندی لووڻ ڏا نی آیا

ہیں سانگے تاں اہ تیں کھے کھے پھر دے پے  
 ہتھ پکڑن کیا کہیں دے پیریں پووڻ ڏا نی آیا

دل اُہدے او ساڏا ہووے پر ہووے ، کیوں ہووے  
 ساکوں دی تاں کہیں دا ارشد ہووڻ ڏا نی آیا

☆.....☆.....☆



پہلے وسدا تھل ڈیکھوں ہا  
تہڈے پاتے ول ڈیکھوں ہا

سک دی پتھیکوی چس چاواں ہا  
پیار دا پہلا پل ڈیکھوں ہا

کہیں پل اوئدے نیناں اندر  
وسدی دھار کجیل ڈیکھوں ہا

شیت او ڈیوا ول نہ پالے  
جلدی جلدی جل ڈیکھوں ہا

اپنے رنگ تاں بے رنگے ہن  
اوندے رنگ اچ رل ڈیکھوں ہا

کے تیں اپنی قید اچ رہسوں  
ہن تاں پھر نکل ڈیکھوں ہا

پھل متاں او لیکھ اچ ہووے  
آپاں جھولی جھل ڈیکھوں ہا

اونکوں ڈیکھوں لازمی ارشد  
اچ بے نہیں تاں کل ڈیکھوں ہا

☆.....☆.....☆



تیڈا جھیڑا گوارا ، تھی وی سگدے  
سوا تیڈے گزارا تھی وی سگدے

اکھیندن پیار بس ہک جاہ تے تھیندے  
میڈی سوچ اے دوبارا تھی وی سگدے

ساکوں نہ ہتھ پکڑ کے نال ٹورو  
مخالف شہر سارا ، تھی وی سگدے


ایویں کیری دیوچ نی ہتھ مریندے  
اینڈے اندر انگارا تھی وی سگدے

اوساڈے دل دا دشمن کیوں نہ ہووے  
ساکوں زندگی توں پیارا تھی وی سگدے

جیکوں بے قیمتا سمجھا ہئی سانول  
کہیں دی اکھ دا تارا تھی وی سگدے

تیڈیاں زلفاں اے کالیاں کھل پیاں تاں  
چٹے ڈینھ اچ اندھارا تھی وی سگدے

اینکوں جو نال اچ کل نہیں ٹریندا  
تیڈا ارشد آوارا تھی وی سگدے







زہر وی پیندے رہ گئے پیسے  
وت وی جیندے رہ گئے پیسے

رُسدے ہاسے ، نبھدی نہ ہئی  
آپ منیندے رہ گئے پیسے

یار فی ساکوں نال ٹرایا  
نال گھلیندے رہ گئے پیسے

اندروں ہاسے لیراں لیراں  
آپ کوں سیندے رہ گئے پیسے

اے وی ڈھیر اے بے پرواہ دے  
یار ، سڈیندے رہ گئے پیسے

نال ساڈے او ہا یا نہ ہا  
نال گٹیندے رہ گئے پیسے

جسم توں گھن کے روح تیں ارشد  
زخمی تھیندے رہ گئے پیسے

☆.....☆.....☆



یقین رکھٹا ہا بھانویں گمان رکھٹا ہا  
 بھوتاں دل ہا او تہیڈی امان رکھٹا ہا

اساڈے پیریں کوں پہلے زمین تاں ڈیندا  
 اساڈے سرتے جے تئیں آسمان رکھٹا ہا

بغاوتیں دا اے پوٹا متاں پھہڑ پوڑے  
 اوں ساڈے ذہن دی بھوئیں کوں ویران رکھٹا ہا

جتھاں چا رکھی ہے گیتا تیں بدگمانیں دی  
 اساں اتھائیں تاں وفا دا قرآن رکھٹا ہا

میڈی نظر جو ہی قاتل دے روندے پالیں تے  
میں جاں بُجھ کے ادھورا بیان رکھٹا ہا

توں بے وی دے اشاریں کوں تاں سمجھ سگدا  
اساڈے پیار کوں جے بے زبان رکھٹا ہا

پتہ نی کیڑھی ہوا نال چا کے ٹر پووے  
اساں تاں بدھ کے ہمیشہ سامان رکھٹا ہا

اگوں حشر دا ہاڈرتے تچکھوں نہ ہووٹ دا  
تے زندگی کوں ایندے درمیان رکھٹا ہا

اے دل اساڈا تاں ارشد مکان ہا اوند  
ایندا خیال تاں مالک مکان رکھٹا ہا

☆.....☆.....☆

(دھمال)

(امان اللہ ارشد)



(ظفر خان چانڈیودی نذر)

بہوں لمبا سفر ہے ، جان میڈی  
حیاتی مختصر ہے ، جان میڈی

ڈساواں ، نہ ڈساواں ، کیا ڈساواں  
تیکوں ساری خبر ہے ، جان میڈی

وداں ککھا حیاتی دے سفر وچ  
کتھاں کوئی ہمسفر ہے ، جان میڈی

ہے میڈی بے گنہی ککھی دی ککھی  
تہڈے واروں شہر ہے ، جان میڈی



میکوں اتنی سعادت وی پہوں ہے  
تیڈے در نال در ہے ، جان میڈی

ایں دل دے در کھلئے ہن تیڈے سانگے  
اے تیڈا اپٹا گھر ہے ، جان میڈی

تیڈی مٹھری محبت دے پساویں  
میڈا سب نال شر ہے ، جان میڈی

توں ارشد آوی گئیں پر مونجھ نی گئی  
میڈے اندر کئی ڈر ہے ، جان میڈی

☆.....☆.....☆



تیکوں وقت وسدا رہ ویندے

سجھ روز اُبھردا رہ ویندے

ہن تپڑے جیوٹ کیا جیوٹ

بس وقت گزردا رہ ویندے

بھاویں میڈا نہیں اونکوں ڈیکھ کرئیں

دل ہن وی ٹھردا رہ ویندے

اکھ سکدی نی ، روح رچدا نی

بھاویں روز ٹکردا رہ ویندے

اونکوں جیت دیاں خوشیاں ڈیوٹ لیوں

کوئی چاٹ کے ہردا رہ ویندے

کیں شام دے موڑ تے نکھر ونجوں  
دل اکثر ڈردا رہ ویندے

خوش بخت ہوں ساڈے ویڑھے وچ  
ہک چندر اُتردا رہ ویندے

میں روز یقین کریندا ہاں  
او روز مگر دا رہ ویندے

اوندی یاد پیا کجھ فی اہدی  
بس کجھل وگھردا رہ ویندے

اوندا چہرہ میڈیاں اکھیاں وچ  
پھل وانگے تر دا رہ ویندے

او ویندا ارشد ول امے  
کوئی مردا ، مردا رہ ویندے

☆.....☆.....☆

(دھمال)

(امان اللہ اللہ)



ڈیکھ اُجڑے ہوئے میڈے حال سیٹے تھی بگن  
یار ٹردے نی میڈے نال سیٹے تھی بگن

چانہ ہُن کچے گھڑے، پُڈ بگیوں تاں کلھی مرسیں  
سوہنی کوں آکھ ڈیو مہیوال سیٹے تھی بگن

عشق کرٹا ہے تاں ہُن گھاٹا منافع ڈہدن  
اے دیوانے وی بہر حال سیٹے تھی بگن

اپنے دھٹوال دی وِجھلی دی اے کتوتے ٹردن  
ساڈے وسے دے تاں ہُن مال سیٹے تھی بگن

بگھ سکا ڈیندی ہے جیوٹ دے سلیقے سب کوں  
بھوگ تے روز دے بگڑدھال سیاٹے تھی بگن

بے کوں لٹن نی ڈیندے آپ لٹیندن اینکوں  
ہن میڈی دستی دے رکھوال سیاٹے تھی بگن

میڈے چہرے تے لکھیے لفظیں کوں پڑھدن ارشد  
روٹی منگدے نی میڈے ہال سیاٹے تھی بگن

☆.....☆.....☆





تیڈیں یادیں دا ولا میلہ لگے  
اچ تیڈا ارشد ولا ککھا لگے

دل دی دھڑکن تیڈے قد میں وانگ ہئی  
تیڈے آوٹ دا میکوں دوکھا لگے

نال تیڈے سال گزرین سُدھ نی پئی  
ڈینھ گزارٹ اچ بہوں اوکھا لگے

کتھ گیاں شہوت جھاں گا لہیں تیڈیاں  
اچ تیڈا لہجہ بہوں کُوڑا لگے

بھاویں ہا دشمن تے بھاویں غیر ہا  
تیڈے پاسوں آئے جیرھا اپٹا لگے

کیں گئے فرصت ہے اے جتنی اتھاں  
توں جیرھا کھل کے ملیں چڑگا لگے

تجھ اگوں دیوار بن کے کھڑ ونجاں  
تیکوں تڑی وا دا نہ جھولا لگے

گل دے وچ بستہ تے وچ ماء پیو دے خواب  
ہال جیندا ہا میکوں پیارا لگے

او جو ارشد آیا ہے اج گھر میڈے  
میکوں اپٹا گھر وی اہ سوہٹا لگے

☆.....☆.....☆



(نور تھہم سیں دے نانویں)

ہنجھ دے موتی ویندے وارے ہدھ چھوڑ کین  
کہیں میڈے دامن وچ تارے ہدھ چھوڑ کین

ڈیکھن وچ تاں کچی تند ہے ریشم دی  
پر ایں وچ کہیں قول سپارے ہدھ چھوڑ کین

میڈا مولا اونکوں سکھ دیاں بندراں ڈے  
جیں ساڈی اکھ نال جگارے ہدھ چھوڑ کین

راہ وچ تھیوی رات تاں اے گنڈھ کھولیں چا  
میں پلو وچ چندر ستارے ہدھ چھوڑن

دل تاں آہدے ونج پر ونج تاں نی سگدے  
پیریں وچ کہیں پتھر بارے ہدھ چھوڑن

تیڈے درتوں اڈ کے ارشد کتھ ویسوں  
تیں ساڈے پر یار اوارے ہدھ چھوڑن

☆.....☆.....☆



نویں چل کے او چال ، آوے تاں آوے  
پیا رستہ بدال ، آوے تاں آوے

میکوں اوندا خیال ہُن آوٹاں نی  
اونکوں میڈا خیال ، آوے تاں آوے

کوئی رانجھن وانگے ونجھلی وچاوے  
ولا پیلے تے مال ، آوے تاں آوے

میں دل شیشے کوں سامھیں چائی کھڑا ہاں  
او پتھر دی مثال ، آوے تاں آوے




میکوں ویندئیں جیڑھا غم ڈے کے گیا ہا  
لہن اوندی سنبھال ، آوے تاں آوے

اوندی ضد کوں زوال آوے نہ شالا  
محبت کوں زوال ، آوے تاں آوے

مچا کے مچ اساں پڑ وچ کھڑے ہیں  
کوئی پاوٹن دھمال ، آوے تاں آوے

ساڈے لوکیں دیاں بندراں فی اکھڑ دیاں  
بھلے ہن کوئی بلال ، آوے تاں آوے

میڈے ہاجھوں کیویں وسدا پے ارشد  
میڈے ڈیکھن احوال ، آوے تاں آوے





کتھاں اہ کل محبت تھیدی پئی اے  
چدھاروں بس تجارت تھیدی پئی اے

ایویں نکلتی ہے ہنچھ اکھ دے شہرتوں  
جیویں مکے توں ہجرت تھیدی پئی اے

تھیا ہاں در بدر جے میں تاں خیر اے  
چلو تہڈی تاں شہرت تھیدی پئی اے

اوندی خوشبو اوندے توں پچھ کے ڈس ہاں  
کڈاں ساکوں زیارت تھیدی پئی اے

تھہا کہیں وات ہے مزدور زندگی  
محبت وچ وی محنت تھیدی پئی اے

میڈے زخمیں دے پھل گم لیندے پئے ہن  
ولا تیڈی ضرورت تھیندی پئی اے

ہوا بوچھن دا لحظہ پاند پکڑیں  
فقیریں دی عبادت تھیندی پئی اے

میں اہ کھلدے ڈٹھم ہالیں دے چہرے  
میکوں محسوس جنت تھیندی پئی اے

سچن پتھر نمہیں انسان ہاں میں  
میڈے اندروں بغاوت تھیندی پئی اے

اکھیوں اونکوں ارشد سچ اکھیوں  
جیویں بولن دی ہمت تھیندی پئی اے

☆.....☆.....☆

(دھمال)



ساڈے گھروچ اندھارے ہن ، کیویں تھیے  
تیکوں تاں لوڑ تارے ہن ، کیویں تھیے

توں کھلدا پھل چنبیلی دا بہاریں وچ  
ساڈے نیناں ڈکھارے ہن ، کیویں تھیے

لبیں توں گھن کے اکھ توٹی ایں چہرے تے  
سجھے موسم اُدھارے ہن ، کیویں تھیے

تیڈے ہتھ دئیں لکیریں دے اندر میڈے  
مقدر دے ستارے ہن ، کیویں تھیے



گزر دا پل نہیں ساڈا تہڈے ہا جھوں  
تہڈے ہا جھوں گزارے ہن ، کیویں تھیسے

میکوں جیڑھے اٹکدن اکھ دے لکھ وانگے  
تیکوں او لوک پیارے ہن ، کیویں تھیسے

سلامت آ گیوں موجیں دے مَنہ کولوں  
ہُندے ہُن کنارے ہن ، کیویں تھیسے

اکیلی ، ہنچھ سہیلی ، اکھ حویلی وچ  
تے چودھاروں جگارے ہن ، کیویں تھیسے

سُنن دا وقت نی ملدا تیکوں ارشد  
میڈے ڈکھ ڈھیر سارے ہن ، کیویں تھیسے

☆.....☆.....☆

(دھمال)





وَس توں کائنات او دُور تھیا ہوئے  
میں کنوں کوئی قصور تھیا ہوئے

کچھ رشتے کوں کیوں تروڑیا ہس  
ڈکھ تاں ہونگوں ضرور تھیا ہوئے

شیشہ کائنات ہا دھڑکدا دل ہا  
کچھ ٹھوکر تے چور تھیا ہوئے

سوچ پردیس وچ ، اے خوش پٹھاں  
تھل دینیں پریں تے بُور تھیا ہوئے

روز تاں دل اُداس نی تھیندے  
کچھ نہ کچھ تاں ضرور تھیا ہوسے

کہیں دے نیناں نظر دیوچ ہوسن  
ایویں سُرمہ نہ طُور تھیا ہوسے

اندروں اندروں جو بے قراری ہے  
اندری اندر فتور تھیا ہوسے

کیڑھا ویلا ہوسی جو ہک پتھر  
میڈے نیناں دا نُور تھیا ہوسے

توٹے ارشدِ قصور کوئی نی تھیا  
میں منینداں حضور ، تھیا ہوسے

☆.....☆.....☆



اکھیاں کوں کیا خواب ڈکھائی گئیں ، رانجھن دے  
ہندراں نال ولھیٹ کے چئی گئیں ، رانجھن دے

ہن جٹیاں چودھار کراواں پُپ کینکوں  
مہٹیاں دے وچکار کھڑی گئیں ، رانجھن دے

ہن تیڈے بگھ مردیاں ہن ، نہ چردیاں ہن  
منجھیاں کوں اے کیا سکھلائی گئیں ، رانجھن دے

بھاٹیاں دے در اہ تیں کہیں وی نی کھولینے  
جیویں توں در مار کھڑائی گئیں ، رانجھن دے

دل دی دھڑکن رانجھن رانجھن آکھدی اے  
 ڳالھی کون اے کیا پکونی ڳنیں ، رانجھن وے

شالا راجہ ماڻے راج هزارے دا  
 میکوں کیندے ذمے لئی ڳنیں ، رانجھن وے

بیر دی ارشد لاش ودی اتھ پھردی ہے  
 روح تاں اپٹے نال رلی ڳنیں ، رانجھن وے

☆.....☆.....☆



وسیے تاں پھل چدھاروں ہن، بیٹیا جائید کوئی کوئی ہے  
ستم تاں بے بہا تھے ہن اساکوں یاد کوئی کوئی ہے

محبت دے سبھے گھاٹے ساڈے حصے دیوچ آگن  
کریندا پیار ہر کوئی ہے تھیا برباد کوئی کوئی ہے

لگی ہر جاہ تے پگاری ہے، اونویں ہر کوئی شکاری ہے  
پھسن کوں دل جتھاں آہدے اتجھا صیاد کوئی کوئی ہے



ملن توں پہلے نکھرٹن دے سبب تاں ڈھیر سارے ہن  
چچھم تیڈے ذمے ہن کوئی، تھئے ارشاد کوئی کوئی ہے

محبت اے جیہاں دریا جیندے وسدے کنارے تے  
تھین آباد گھر کتنا مگر آباد کوئی کوئی ہے

ڈسو گالھی محبت کوں منگے نہ کھیر دیاں نہراں  
اتھاں پرویز ہے ہر کوئی اتھاں فرہاد کوئی کوئی ہے

محبت دے مریضیں کوں خدا ڈیوے شفا ارشد  
اے اتجھا مرض ہے جیندے کنوں آزاد کوئی کوئی ہے

☆.....☆.....☆



سُندا توں ڳال کانسوہی  
ڏیندا وی حال کانسوہی

ڳالھیں نہ سمجھیں پیار دیاں  
اتجھا وی ٻال کانسوہی

اتنی اُپھال خیر ہے  
مُونڊھے تے شال کانسوہی

ویندیں تاں ولدا ول ولا  
کیوں سال سال کانسوہی

پیریں اوندے دی دھوڑ ہئیں  
ہتھ دا رُمال کاسنوی

اپٹا تاں خیال کر تے ٹر  
ساڈا تاں خیال کاسنوی

جیندا جواب نہ ہووے  
اتجھا سوال کاسنوی

کلھا جیرھا نہ ٹردا ہا  
اچ کیوں او نال کاسنوی

ارشدِ ملیا تاں ہئیں اونکوں  
دل کوں سنبھال کاسنوی

☆.....☆.....☆



اوندے چمکیے جو پیرے ہن بگلی وچ  
ساڈیں دیدیں دے دیرے ہن بگلی وچ

اونکوں آکھو جو زلفاں کج کے آوے  
ودے پھر دے سپیرے ہن بگلی وچ

اوندی آمد ہے او آوے نہ آوے  
ساڈے پھیرے تے پھیرے ہن بگلی وچ

اوندے پیریں دے پیریں دی کرامت  
جیویں کہیں پھل کھنڈیرے ہن بگلی وچ

کھنڈی خوشبو کنوں تاں ایویں لگدے  
جیویں او آئے اگیرے ہن بگلی وچ

ساڈے اندر دی کہیں کوں کیا خبر ہے  
چھڑے شملے اچیرے ہن بگلی وچ

او دیگر کوں بہر آیا ہے ارشد  
تھیندے ہن پئے سویرے ہن بگلی وچ

☆.....☆.....☆





مہر نذر متوجہ دی محبت دے ناں

توں جو ہیں بھاویں اندھاریں تے ٹُریئے ویندے ہیں  
ایویں لگدا ہے ستاریں تے ٹُریئے ویندے ہیں

جیلے رُکدوں کوئی طوفان ہلا نی سگدا  
جیلے رُدوں تاں اشاریں تے ٹُریئے ویندے ہیں

زندگی ڈھیر کرم ، ڈھیر کرم ہن بس کر  
ڈُکھ سہی ، لال انگاریں تے ٹُریئے ویندے ہیں

تہڈی وستی دا تصور جو پکا تے ٹُریئے ویندے ہیں  
ایویں لگدے جو زواریں تے ٹُریئے ویندے ہیں

اے حیاتی دا سفر ساڈے تاں وس دا نہ ہا  
تیڈئیں یادیں دے سہاریں تے ٹریئے ویندے ہیں

ککھ ہیں راہیں دے ہے جیوٹ ساڈا کیا دا جیوٹ  
بس ہوائیں دے ہلاریں تے ٹریئے ویندے ہیں

وقت ہک کھیڈ ہے پہلے کوئی بعد اچ ٹردے  
آپٹیں آپٹیں واریں تے ٹریئے ویندے ہیں

اے خبر کائنی جو ڈھا آئی تاں اے پہلے ڈھہسن  
مطمئن ہیں جو کناریں تے ٹریئے ویندے ہیں

پیر پُمدی پئی ارشد ساڈے ساوَل تھل دی  
کچھ رنگین نظاریں تے ٹریئے ویندے ہیں

☆.....☆.....☆



دل دی دنیا مکیے ، دل ویے  
مونجھ کوئی ہال نی وِندل ویے

ظلم ، فرعون اپنی تن مارے  
سچ وی موسیٰ ہے انت پل ویے

میڈے پیریں تے پیر ہن جیندے  
کیا خبر ہئی او راہ بدل ویے

میڈے ہونٹیں تے بھاہ بلی ہوئی اے  
یار بوچھن سنبھال جل ویے

دیر اتنی تاں کر نہ آوٹ وچ  
 اتنی دیر اچ تاں ساہ نکل ویسے

دل دی تاکی کوں کھول ڳالھیں کر  
 پٹھیں پٹھیں تاں رات ڈھل ویسے

میں سوچینداں اوں بے وفا توٹی  
 میڈی ارشد کڈاہیں غزل ویسے

☆.....☆.....☆



کتنا سوہٹا ہے شہر کیوں ڈیکھاں  
تہڈے نیناں توں بہر کیوں ڈیکھاں

تہڈے ہتھیں دی بس عنایت ہے  
او ہے امرت یا زہر کیوں ڈیکھاں

ہُن اُوندا سر ہے میڈی جھولی وچ  
ہُن کلہے دے قہر کیوں ڈیکھاں

رات او پچھلے پہر ویسے پیا  
رات دا پچھلا پہر کیوں ڈیکھاں



میں سوالی ہاں پر اے سوچے می  
در تیڈا ڈھیر اے ، دہر کیوں ڈیکھاں

قرب تیڈا قطار ہرٹیں دی  
ہُن نکھیرے دے نہر کیوں ڈیکھاں

توں تاں ارشد ملوک جھاں پھل ہیں  
تیڈے سر تے ڈوپہر کیوں ڈیکھاں

☆.....☆.....☆



جڈاں کوئی بد دُعا نکلے  
تیڈی ایں دھرتی توں بھا نکلے

لیں دی قید اِج رنیل دا پھل  
توں مُسکریسیں ولا نکلے

بہار دا جیلے راز گھلایا  
خبر ہے تیڈی ادا نکلے

اساڈے مندر مزاج دل کوں  
جڈاں پھرولیو خدا نکلے

وَنجَا نَه وِلے کُوں فِصلے وِچ  
یقین اے میڈی خطا نِکلے

توں سچ دی مِیت تے ویٹ نہ کر  
اتھوں جنازہ پیا نِکلے

اساں پیاسیں دے جسم صحرا  
اساڈیں زخمیں توں بھا نِکلے

اے شہر کہیں بد دُعا توں ماریے  
جتھوں پٹیسوں سُوا نِکلے

جیندی وفا تے ہا ماٹ ارشد  
خبر نہ ہئی بے وفا نِکلے

☆.....☆.....☆



کتھ بہشتیں دی سیر چہندے ہیں  
تیڈی وستی دی خیر چہندے ہیں

پیار تیڈا نصیب وچ آ گے  
ہن زمانے دا ویر چہندے ہیں

نال تیڈے جیڑھی گھڑی گزرے  
کوئی ہووے نہ غیر چہندے ہیں

چندر تاریں کوں روزِ مِلدے ہیں  
کیںکوں تیڈے بغیر چہندے ہیں؟

توٹے مطلب بغیر کجھ کائنی  
تیکوں مطلب بغیر چہندے ہیں

کجھ ہے ارشد او یار ہے ساڈا  
اساں اونکوں تاں خیر چہندے ہیں

☆.....☆.....☆





(ملک اللہ ڈتہ باجودہ دی بارگاہہ وچ)

ولیکے راہ دے ڈیسن توٹے وٹے ودے رہسوں  
اے تھوڑا نی جتھاں رہسوں تیڈے رتے ودے رہسوں

اساں سفری مہاریں کوں تیڈے نال نال گنڈھ چھوڑیے  
جیکر توں نال نہ ٹریں اساں کلھے ودے رہسوں

ہجر دے حشر بخشی ہے ساکوں ہک رات دی مہلت  
دعا کر جو اے اہج دی رات نہ ڈھلے ودے رہسوں

وفا تیڈی تے کوئی شک فی نصیباں توں ڈریئے ہوئے ہیں  
ساڈی قسمت نویں کوئی چال نہ چلے ودے رہسوں

اساں داماں دے پکھرو توں ہئیں اسماں دی بدلی  
غنیمت ہے تیڈی چھاں دے چلو تلے ودے رہسوں

ساڈی کنڈ تے تیڈا ہتھ ہے تاں سینہ تاں تے ٹرسوں  
ولا تاں خوف کوئی کائنی جتھاں بھلے ودے رہسوں

توٹے توں حال نہ پچھسیں توٹے توں ڳال نہ سُئیں  
ڈتی ارشد ولا وی دل کوں ترسلے ودے رہسوں

☆.....☆.....☆



ول ہن ولا نگے تیڈے شہر دے  
رستے اڑانگے تیڈے شہر دے

ہک ہک قدم تے کئی تیر پتھر  
درشن مہانگے تیڈے شہر دے

آوٹ تیڈا تاں قسمت دیاں ڳالھیں  
آمدے نی کانگے تیڈے شہر دے

ہن کھیر راتیں تیڈے شہر دیاں  
اے چندر سانگے تیڈے شہر دے

ڈینھ دی بشارت ڈیندے کھڑے ہن  
 جیون پے بانگے تیڈے شہر دے

پھلیں دا نہ پچھ ، پتھر وی جانی  
 ہن مل مہانگے تیڈے شہر دے

لیندے ودے ہوں چودھار پھیرے  
 دیوانیں وانگے تیڈے شہر دے

اکھیاں دی ارشد تھیوے زواری  
 رب جوڑے سانگے تیڈے شہر دے

☆.....☆.....☆



میڈے اندر ہے ڈر ، کیوں کرے  
میڈے دل وچ او گھر کیوں کرے

میڈے پتہ دے ہوئے ہتھ روک سگدے  
دعا کوں بے اثر کیوں کرے

اَمَر کرٹا میکوں پوسس ضروری  
نتاں خود کوں اَمَر کیوں کرے

او چندے ہُن گھلے ہا در قفس دا  
گھلئے جیکر نہ پَر ، کیوں کرے



کھٹے سرتے گزارا تھی تاں سبکدے  
منینداں میں مگر ، کیویں کریسے

میڈے او پیار توں کیویں مکرے  
کہانی مختصر ، کیویں کریسے

میں ہر پھل دی مہک دے نال ٹرداں  
میکوں بیا در بدر کیویں کریسے

میڈے او نال ارشد ٹرتاں پوسے  
شہر دے نال شر کیویں کریسے

☆.....☆.....☆



سُدھ کائنی جو کچھے راہ تے بندا تُردا پے  
اُتنی پندھ تچکھوہاں تھیندے جتنا تُردا پے

تُردیں تُردیں مستی وچ ہک اتجھا موڑ آندے  
ایویں لگدے میں کھڑ گیاں ہُن رستا تُردا پے

مُن تے وسدی جھوک اساڈی ، مولا خیر کرے  
ہولے ہولے ساڈے گھر ڈو دریا تُردا پے

پیریں دیوچ پل پازیاں مَن مَن بار لکھن  
نہ تُر سبھسوں جیرہی ٹور اچ ویلھا تُردا پے

ڈیکھن وچ تاں ٹردے پے ہن سنگ سینگیاں دے ٹول  
اصل دیوچ اتھ ہر کوئی ککھا ککھا ٹردا پے

ونجن والا لگدے قیمتی چیز ونجائی ویندے  
ڈیکھ ہاں کیویں ، ٹردا کھڑدا ، کھڑدا ٹردا پے

پل نکھڑن دا، موت دا منظر، دل ڈو ڈیکھ تاں سہی  
ویندے ، ولدے ، ولدے ، ویندے اوکھا ٹردا پے

رانجھا، سسی، مجنوں پیار ایچ سوہنے پنڈھ کیتن  
تہڈے ناں وی اہدن ارشد چڑگا ٹردا پے

☆.....☆.....☆



خوامخواہ تاں مٹھلِ نِسے اہدے  
توں نہ نظریں غزلِ نِسے اہدے

عشق دے وچ انا وی رکھدے ہیں  
نہ منجے تاں ولِ نِسے اہدے

تیڈا ملٹا تاں خود وی مسئلہ ہے  
اینکوں مسئلیں دا حلِ نِسے اہدے

اپنے پیریں دی خاک کر ساکوں  
ہوووں اکھ دا کجلی نِسے اہدے

یاد تہڈی بغیر جو گزرے  
اونکوں زندگی دا پل نئے اہدے

زُلف ول ول ڈنگیا ہے چُپ پیسے  
یار ! نانگن کوں جھل نئے اہدے

اُج جو کھل پئے تاں مل کے کھل پئے ہیں  
کیویں گزری ہے کل نئے اہدے

ہجر بخشی تاں یار بسم اللہ  
فیصلے کوں بدل نئے اہدے

حوصلے تاں بحال ہن ارشد  
پیر تھی گئیں شل نئے اہدے

☆.....☆.....☆





راہ تاں کوئی وی آسان کائناں ہا  
توں نکھڑسیں گُمان کائناں ہا

اوندا سایہ ہٹیے لگے ایویں  
سر تے اہ آسمان کائناں ہا

چھٹ گے قاتل جو اوندے دامن تے  
کوئی لہو دا نشان کائناں ہا

اہ وی غربت دی لاہ رہ گئی ہے  
اہ وی گھر وچ ممھان کائناں ہا

ہاجھ تیڈے سفر حیاتی دا  
اتنا سوکھا وی ”جان“ کائناں ہا

جتھ او آوے ہا پیر پاوے ہا  
میں ڈے اتجھا مکان کائناں ہا

دشمنیں نال یار رل وین  
میکوں ایڈے دھیان کائناں ہا

اچ تاں ارشد او پول پے جیڑھا  
رکھدا منہ وچ زبان کائناں ہا

☆.....☆.....☆



میڈی دھڑکن جو دھک دھک دا مچایا شور اندر ہے  
بہر پیرا نہیں نکلتا نظر دے چور اندر ہے

ساڈے من وچ مچی مستی اساں مستی دے اندر ہوں  
اساڈا کچھ تے مکران، جھنگ بھمبھور اندر ہے

ہے جو بن اکھ دے دریا تے مگر پلپلیاں پیاسیاں ہن  
نظر دے ہنجھ دے طوفانیں دا سارا زور اندر ہے

اے دل اُہدے جھکاواں سر تپڑے درتے ادب کرتے  
جیڑھا سر نی جھکٹ ڈیندا کوئی سر زور اندر ہے

(دھمال)

(امان اللہ اشند)

ساڈے باہروں توں ویرانیاں نہ وسدیاں ڈیکھ مونجھا تھی  
اتھاں مستی دا موسم ہے تے نچدا مور اندر ہے

رُکے تاں چندر رُک ویندے ٹرے تاں نال ٹر پوندے  
ایہو جھاں تاں کوئی جادو مٹھل دی ٹور اندر ہے

اساں تاں چُپ کھڑوں ارشد ساڈے ہتھ پیر نچدے پن  
اساں تاں صرف پُتلیاں ہوں تماشہ ڈور اندر ہے

☆.....☆.....☆

(دھمال)

(امان اللہ ارشد)



ونجن دی چھوڑ ضد، جلدی نہ کر، بارش دا موسم ہے  
اتجھی رت وچ کریندا نی سفر، بارش دا موسم ہے

اوڈوں برسات دی سر دی تے ایڈوں پوہ دا پالا  
میڈی آ شال وچ لگ پھہ بہر، بارش دا موسم ہے

میڈے سینے تے سر رکھ کے میڈے ساہواں دی سیکڑ گھن  
تیڈے رُخسار گئے ہن یار ٹھر، بارش دا موسم ہے

پہر نکلیں، ڈسیں میکوں میں، ہتھ چھتری بٹائی جُلّساں  
ونجن نہ رنگ چہرے دے وگھر، بارش دا موسم ہے

سنجھل کے ٹرے ویندا ہئیں تاں کہیں دا ہتھ پکڑ کے ونج  
کھا گپ چل کنوں نہ پیا گزر، بارش دا موسم ہے



سہارا گھن کے کندھیاں دا کڈاہیں ٹر گھنیںدا ہا  
تے ہن کندھیاں کنوں لگدا ہے ڈر، بارش دا موسم ہے

نویں موسم دا آ دُر کر ایندا کجھ مہت رکھتوں وی  
میڈے اندر دی بھاہ لحظہ تاں ٹھر، بارش دا موسم ہے

کھمی کھمن جیلے ڈر تے میکوں ہاں نال آ لاتی  
تھئے احساس جو کیوں مختصر، بارش دا موسم ہے

جیڑھے بارش دے موسم وچ اساڈے نال پسدے ہن  
انہاں کول کون وچ ڈیوے خبر، بارش دا موسم ہے

نہ میں دفتر گیا ہاں اچ تے نہ بازار او ارشد  
ڈوہیں کم ٹھپ کرائیں پٹھے ہیں گھر، بارش دا موسم ہے

☆.....☆.....☆

(دھمال)



ہُن اکھیں جو کال نی رہ گئے  
جیلے پیلے تے مال نی رہ گئے

سک سکتی ہے چُپ چُپاتی ہے  
لب تے ہُن کوئی سوال نی رہ گئے

جسم کتھ ہُن تے دل کتھاں رہ گئے  
نال رہ کے وی نال نی رہ گئے

ہُن تاں خوشیاں دے کال پئے گئے ہُن  
سر تے مہندی دے تھال نی رہ گئے

ہُن تان ہتھ وچ ہے سیپ چھالیں دا  
سیپ والے رُمال نی رہ گئے

اپنے گھر دے خیال وچ رُجھ گیوں  
تیڈے در دے خیال نی رہ گئے

اساں جیکر جوان تھی گئے ہوں  
غم اساڈے وی ہال نی رہ گئے

ہُن تان چودھار زہر ذائقے ہن  
لفظ ماکی مثال نی رہ گئے

ہُن تان ارشد ستم سہیندے نی  
ہُن اساڈے او حال نی رہ گئے

☆.....☆.....☆

(دھمال)

(امان اللہ اشد)



نہ خواب ، ہنچھ نہ سنگ سہیلی کھڑی رہی  
ککھی اُداس اکھ دی حویلی کھڑی رہی

گھر وچ جے کوئی خوشی آئی ایویں آئی تے گئی پئی  
جیکر کھڑی تاں مونجھ مریلی کھڑی رہی

دھڑکن ایس دل دی ول نہ چکھوں کہیں دے ٹرسگی  
نک وچ جو تیڈے ناں دی نکیلی کھڑی رہی

تھک تھک کے سینگیاں تاں سبھے گھر ڈوول گیاں  
او ڈیوے پال راہ تے اکیلی کھڑی رہی



محفلِ اوندی کوں ڈیکھ ، ایویں ہنچھ کھڑی گئی  
جیویں شہر توں ڈر کے روہیلی کھڑی رہی

تیڈی مُسک توں سوجھلا خیرات گھن گھنے  
ہے چاندنی وی اڈ کے ہتھیلی کھڑی رہی

ہوون متاں اول زُلف دیاں مہکاں نصیب وچ  
خوشبو کوں چا کے رات چنبیلی کھڑی رہی

ارشد ولا نہ دل دے وچ مہمان کوئی وَلیا  
سینے دی اے سَراں سدا ویلی کھڑی رہی

☆.....☆.....☆





میکوں تیں توں گلہ تاں کجھ کائنی  
آویں تاں آ ، نہ آ تاں کجھ کائنی

اُہدا ہاویں نکھر کے مر ویسوں  
انج تھی بگیوں تھیا تاں کجھ کائنی

پیار او جُرم ہے جیندے کیتے  
زندگی دی سزا تاں کجھ کائنی

تیڈیاں خوشیاں تے بھاویں غم میڈے  
جان ! رہٹا سدا تاں کجھ کائنی

تیکوں ہارٹ تہوں نمی چہندا  
میں ڈو تپڈے سوا تاں کجھ کائنی

ساڈی سنگت بھلا کے سوکھا ہمیں  
یار! تیں ڈے ریہا تاں کجھ کائنی

زُلف تپڈی مثال کیا ڈیواں  
رات، بادل، گھٹا تاں کجھ کائنی

دنیا سوہنی ہے، پر تپڈے نیناں  
اے نہ ہووَن ولا تاں کجھ کائنی

غم میکوں ڈے کے کھل کرائیں آکھیں  
کجھ نہ کجھ اے، گیا تاں کجھ کائنی

بعد تپڈے ایں شہر وچ ارشد  
دل نی لکدا بیا تاں کجھ کائنی

☆.....☆.....☆

(دھماکا)



ہنچھ پلکیں توں پار ٹُر پئی اے  
کنتے کھئی کنوار ٹُر پئی اے

ڈُکھ ڈُؤ ٹکڑے چندر تھیندا پئی  
ڈُکھ کجے دی دھار ٹُر پئی اے

اوندے پیریں تے سجھ دی اکھ پئی اے  
چھاں کوں چا کے دیوار ٹُر پئی اے

میڈا رانجھن ہے بس میڈا رانجھن  
گال اُردار پار ٹُر پئی اے

اوندیں پلکیں دے پر نظر آئے نس  
کونج سٹ کے قطار ٹر پئی اے

اوندا بوچھن اگوں اگوں ٹر پے  
تچھوں تچھوں بہار ٹر پئی اے

اوندے پیریں ڈو چاندنی چن دی  
کیویں دیوانہ وار ٹر پئی اے

متاں ڈیکھے او جیڑھا نی ڈیہدا  
کر کے گالھی سنگار ٹر پئی اے

دل دے ہتھیں مہار ہئی ارشد  
ٹر پیوں جیں مہار ٹر پئی اے

☆.....☆.....☆



ڈھیر بھریئے ہن غم جھولی وچ  
توں نہ ساڈی سَم جھولی وچ

تیڈی جھولی ہیریں ہانی  
پتھریں دا کیا کم جھولی وچ

سُدھ نی دامن کیویں سڑ گے  
پھل میں پاتے ہم جھولی وچ



کہیں دے نین اُداس ٹکائے ہم  
مکدا فی زَم زَم جھولی وِچ

کہیں دے لب تے ہا سے نِسرِیے  
ڈھہہ پئے پھل یکدم جھولی وِچ

اکھ توں ہنچھ آئی دامن توٹی  
تھی گئے خواب ختم جھولی وِچ

بادل سانواں ہتھ آئے سر تے  
وس پئے مینہ چھم چھم جھولی وِچ

خوشیاں توں ہے خالی ارشد  
کر بگیں اتجھا دم جھولی وِچ

☆.....☆.....☆

(دھمال)



پھلیں وچ لھیئے ہوئے خار کون ڈیہدا ہا  
زخم زخم کتنے ہوں یار کون ڈیہدا ہا

لب تے پھل نسر دے ہن، پچھوں ڈھیر پردے ہن  
غور کرتے پردیں دے پار کون ڈیہدا ہا

تیں جو اللہ ہو کیتے، میں وی یار دھو کیتے  
سامنے ہے تاگھا یا تار کون ڈیہدا ہا

خوف کیا ہا خیریں توں ڈر جے ہا تاں غیریں توں  
دوستیں دے کیتے ہوئے وار کون ڈیہدا ہا

جیندی کوئی ضرورت ہئی ، اوہا خوبصورت ہئی  
مطلبی زمانے وچ پیار کون ڈیہدا ہا

جیندی جھڑک پھل ہووے ، ہوندا پیار مل پووے  
ڈس ولا زمانے ڈو یار کون ڈیہدا ہا

ہار جیکوں آوے ہا ، اکھیاں او پدھاوے ہا  
کھیڈ اتنی پیاری ہئی ہار کون ڈیہدا ہا

☆.....☆.....☆



زندگی وی اوکھی ہے  
خود کشی وی اوکھی ہے

وقت دے خداویں دی  
بندگی وی اوکھی ہے

دشمنیں دا آکھن ہے  
دشمنی وی اوکھی ہے

جیں بگلی دا راہ لاتی  
او بگلی وی اوکھی ہے

زندگی نبھائی ویندوں  
بے جی وی اوکھی ہے

نہ جگا ، غریبیں دی  
اکھ لگی وی اوکھی ہے

دوستیں کوں نہ پرکھیں  
دوستی وی اوکھی ہے

بے لحاظ لوکیں دی  
نوکری وی اوکھی ہے

دن تہڑے اتھاں ارشد  
بک گھڑی وی اوکھی ہے

☆.....☆.....☆





**Dhamal**

By

**Arshad**

لب تے لفظیں دا کال ہے مرشد  
آندری اندر دھمال ہے مرشد

کتواں ڈنہہ ہے روزیت پٹھے ہیں  
ہنچھ دا پاٹی حلال ہے مرشد

لعل کوئی کائنی گودڑی دے وچ  
گودڑی آپ لال ہے مرشد

توٹیں چہرے تے ودھر پئے گئے ہن  
دل تاں ہالی وی ہال ہے مرشد

کئی فقیریں سُنچاں پاتی ہے  
تیڈا در وی کمال ہے مرشد

ہونٹ چُپ ہن تاں کیا تھیا ارشد  
جسم سارا سوال ہے مرشد

امان اللہ ارشد

**ارشاد ادبی سنگت ظاہر پیر (پاکستان)**